

神州藥新纂

張若霞著



上海經緯書局發行



編者：張若霞

發行者：經緯書局

上海：海寧路九四二弄六七號

成都：祠堂街 重慶：臨江順城街

發行人：王元規

售處：百新書店 大東書局  
大方書局 正氣書局

民國三十五年十二月滬出版

——版權所有——

價：

# 草藥新纂弁言

諺云。草藥一味。氣煞名醫。此謂草藥之效驗。有時爲名醫所不及者。蓋草藥乃先民對於疾病療治經驗之結晶。其一枝一葉所貽於後人者。莫不有其特殊之效能。然草木繁夥。難以盡識。心傳口授。舛誤至多。不有人也。評究而明辨之。則草藥之效未盡彰。而數千年來先民所貽於吾人之經驗。亦將湮沒而無聞。豈不可慨也夫。予自清季以來。潛心於草藥之研究。凡草木之可以供藥用者。必詳稽植物之誌。以明其形性。博訪野老之言。以審其時效。更參考藥理之學。以究其應用。然後試之於疾病。以睹其經過。而一一筆之於書。若是者。凡十餘年。得確實有效之草藥數十種。因彙輯成帙。付之剞劂。題曰草藥新纂。藉供國內醫家之參攷。自民國六年十一月。初版發行。未及年。而書罄流佈所至。遠及東瀛。乃重加修訂。於翌年十一月。再版。次月。復以訂購者衆。又印行三版。八年九月。更付四版。而國內學者。以草藥問草。相諮詢。磋商者。紛至沓來。復有所增訂。迨十五年間。予繼續研究。

所得之草藥。又有數十種。乃再輯集印行。而題曰草藥新纂續編。不久書罄。遂將正續二編合刊行世。去年主編紹興民國日報醫藥常識。更將近年研究所得之草藥數十種編入該刊。而名曰草藥新纂再續編。綜計予研究草藥凡三十餘年。所得草藥凡二百餘種。已悉供諸世。惟平日搜集之草藥驗方。尙未發表。以人事繁劇。無暇整理。今夏避暑山鄉。爰將前刊草藥新纂各編及各種驗方。詳加別擇。輯爲上下兩編。仍題曰草藥新纂。上編詳載各草藥之形性效能。蓋集前刊之正續各編而成者也。下編爲草藥處方。卽以歷年搜集所得之草藥成方。及予實驗所得之草藥驗方。分類編輯而成。俾讀者覽上編而識草藥之形性。究下編而諳草藥之處方。因病而施效。各響應。非敢自詡爲有起沉疴而肉白骨之功。亦不過將我國數千年流傳之靈效藥方。保存之而不使有所湮沒。使後起者得進而爲更深切之研究耳。惟草藥至夥。遺漏仍多。倉卒付刊。更難免有亥豕魯魚之誤。深望國內賢達。不吝指示。俾再版時可據以更正。書成。手民索序急。乃將本書編輯之經過。弁於篇首。以代序焉。

# 草藥新纂目次

## 上篇 草藥形性

【強壯藥】 平地木 虎刺 郁李皮 野菊花 黃精 荷包草 魚鱉草 南五味子 竹節人參 土人參 野朮 牛筋草 仙人掌 虞美人 石南葉 兔絲 費菜 小草

金櫻 淫羊藿 南天竹 夜關門

【行氣藥】 遍地香 五香草 土藿香 蘭孫 馬蹄香 水菖 石菖 香草 金鐘薄荷 鷄

鴨脚艾 爛甜草 苦橘皮 石見穿 香橐皮 蒔蘿子 土青木香 金寄奴 樟根

【止痛甯睡藥】 土三七 山芋麻 倒掛金鐘 鬧羊花 田鷄草 鵝郎草 茉莉根 僧鞋菊

接骨仙桃 活血草 慈粟殼

【吐藥】 芥子末 綠荳 老鴉蒜

【瀉藥】 玉餛飩 烙鐵草 鼠李 槐葉 牽牛子

【利尿藥】 野芹 山芥菜 薏苡根 車前草 黃蜀葵 苧薺根 牡荊 摘梅條 金雀花根

玉蜀黍根 篇蓄 石韋 萱草根 一枝黃花 地枯蕒 榆皮 松枝皮 杜松實 松節 水燈心 葫蘆殼

【發表藥】 接骨木 馬鞭草 常春藤 土荆芥 葱白 浮萍 桑 土薄荷

【退熱藥】 土地骨皮 茅根 柳枝皮 野薔薇 大青葉 繡球花 酸漿 野靛青 飛鸞草

元寶草 蕨 水蘆 檉柳 淡竹葉 柞枝 忍冬 黃荆條

【殺蟲藥】 棟根皮 石榴根皮 薺 羊蹄 椴木 羊齒 綠葉樹 蜀漆 夜嬌嬌 苦參

【祛痰鎮咳藥】 鳳尾草 野芋苳 金背茶匙 合歡皮 白頭翁 狼把草 望江青

【刺戟藥】 蒜 酸斑莧 韭根 瑞香皮 虎掌草 石龍芮 獨腳蓮 薺 白屈菜

【收斂藥】 芙蓉 地蠃 摘摘莓 刀傷草 懈樹皮 石榴皮 木樨 龍芽草 薊 棕櫚

皮 水蘇 犍牛兒 無花果 冬青 雞冠 南連 白雲英 白躑躅 翻白草 臭椿皮 蓮

蓬殼 白石榴花 白蘊豆花 茄根 紅藤 夏枯草 土牛膝

【變質藥】 芭蕉根 松蘿 菝葜 蒲包草 山海螺 鐵烏鈴 遺糧 龍鬚草

【防腐消毒藥】 三白草 半支蓮 蝴蝶花根 九頭青 萬年青 虎掌草 水仙 雪裏金丹

景天 鴨跖草 玉簪花 紫荊 蓼 金剪刀 蛇莓 五爪龍 天青地白草 狗尾草 金豆子 半嬌紅 野苧薺 白茄蒂 馬蘭根 金鎖銀開 蒼耳草 石巖蕨 烏扇

【雜藥】

棉花根 地蘇木 刀豆根 芝麻殼 千里光 葶草 馬齒莧 杉木節 青箱花  
繁縷 貓兒刺 牛蒡 野葡萄根 蒲公英 伸筋草

# 一之錄日書圖局書緯經

## 青年修養用書

古今中外格言集成	六〇〇〇
新青年手冊	一一〇〇〇
社會交際學	四〇〇〇〇
立身與處世	二〇〇〇〇
名人名言名事	五〇〇〇〇
青年修養指導	八〇〇〇〇
中學生座右銘	八〇〇〇〇
給經濟壓迫青年的信	八〇〇〇〇
給失業青年的信	五〇〇〇〇
給煩悶青年的信	八〇〇〇〇
煩悶青年日記	七〇〇〇〇
人生觀集粹	二〇〇〇〇
岳飛全集	九〇〇〇〇
世界十二科學家傳	八〇〇〇〇
格言三千句	九〇〇〇〇
顏氏家訓	八〇〇〇〇
<b>讀書自修用書</b>	
小學模範作文	六〇〇〇〇
小學模範日記	六〇〇〇〇

中學模範作文	一六〇〇〇
中學模範日記	一六〇〇〇
模範日記作法	一八〇〇〇
學生模範尺牘	一〇〇〇〇
蜘蛛的日記	五〇〇〇〇
老漁夫的船	五〇〇〇〇
模範鋼筆叢集	六〇〇〇〇
學畫自通門徑	六〇〇〇〇
精選六百諺語	九〇〇〇〇
<b>中小學升學書</b>	
小學升學指導	二八〇〇〇
中學升學指導	二八〇〇〇
算術自修升學指導	一六〇〇〇
基本英文法詳解	一一〇〇〇
算術難題詳解	一四〇〇〇
代數難題詳解	一二〇〇〇
三角難題詳解	一九〇〇〇
物理難題詳解	一四〇〇〇
化學難題詳解	一二〇〇〇
算術自修捷徑	一六〇〇〇
英文法作文正誤通	五〇〇〇〇

## 上海經緯書局發行

號三〇六五四·話電 號七十六(弄二四九)里壽高路寧海海上·址地  
街城順江臨慶重·局分慶重 街堂祠都成·局分都成



# 草藥新纂

張若霞編

## 上編 草藥形性

### 強壯藥

#### 平地木 (老勿大)

平地木。生於山地。常綠樹。高不盈尺。葉卵形而厚。夏日開淡紅色小花。結實如梧子。大至冬紅赤。下綴可觀。入藥莖葉根實並用。

【功用】爲強壯藥。治虛勞盜汗。咯血。

【用量及服法】鮮用一兩至一兩五錢。乾用三錢至五錢。加糖適宜。水煎服。

#### 虎刺 (引線包)

虎刺。生於高原。常綠樹。長尺餘。葉端有刺。冬月結實。細小赤色。入藥莖葉並用。

【功用】爲強壯藥。

【用量及服法】鮮用一兩至二兩。乾用三錢至六錢。水煎服。

### ■ 郁李皮

郁李觀賞植物。高四五尺。葉廣披針形。有鋸齒。花小五出。淡紅色。結實小而圓。熟則紫色。入藥用根皮。

【功用】作補藥。開胃。

【用量及服法】乾用三錢至五錢。水煎服。

### ■ 野菊花

野菊。生於山野。多年草。莖多分枝。高三四尺。葉如菊葉相似。但比菊較小。有深缺刻。及細鋸齒。秋晚開花黃色。亦比菊較小。單瓣。入藥用葉及花。

【功用】花能健胃。葉可治療癰。

【用量及用法】花。每用一錢五分至三錢。水煎服。採葉數十片。搗敷疔癰。

■黃精（山搗白）

黃精。生於山野間。莖高二三尺餘。葉如竹葉而短。花如風鈴。淡綠色。根如萎蕤。有節。節狀如白。可蒸而乾藏之。

【功用】作強壯藥。

【用量及服法】不拘多少。蒸熟頻服。

■荷包草

荷包草。生於山野。宿根。二月抽苗。其葉形如荷包。秋時開黃色小花。結實灰褐色。入藥根葉並用。

【功用】治勞損吐血下血。

【用量及服法】鮮用一二兩。水煎服。

■魚鼈草

魚鼈草。生於巖石陰間。不易採取。葉一長一圓。俗稱長則爲魚。圓則爲鼈。人藥莖

葉並用。

【功用】治虛勞咳嗽。

【用量及服法】乾用二三錢。水煎服。

■南五味子

南五味子。生於山野。常綠蔓生植物。能纏繞於他物上。木質含有許多粘液。葉革質。長卵形而厚。有光澤。夏月開花。花小白色。或淡黃色。有細梗約寸餘。生於葉液果實自赤色之小球集合而成。入藥用果實。

【功用】作強壯藥。治久欬。

【用量及服法】每用三五錢。水煎服。

■竹節人參

竹節人參。多年草。生於山地。春日抽芽。三年後。莖高二三尺。其根與竹根相似。故名。葉掌狀複葉。一柄有三五小葉。花細小白色。實大如小豆。赤色。入藥用根。

【功用】作強壯劑。

【用量及服法】每用三錢至五錢。作煎劑。

### ■土人參

土人參產於高原。多年草。春二三月發苗如蒿艾。而葉細小。本長二三寸。作石綠色。映日有光。夏月採根。蒸晒入藥。

【功用】補氣生津。治咳嗽喘逆。痰湧火升。久瘡淋瀝。難產。經閉。泄利。反胃。噎膈。

【用量及服法】每用一兩至二兩。作煎劑。

### ■野朮（天生朮）

野朮多年生草。野生。莖高二三尺。葉橢圓形。有三裂。頗深。單葉。或爲複葉。自三枚。或五枚之小葉成。互生。秋月開花白色。或淡紅色。根細長。類指。大者如拳。皮細帶黃。肉白。而有朱點。

【功用】健胃。和中。補氣。生血。利溼。止泄。

【用量及服法】每用二三錢。作茶劑或煎劑。

■牛筋草 (行儀芝)

牛筋草。生於平原。宿根草。夏初發苗。葉似茅而柔。五六月間莖長一二尺。開花三叉。其莖弱韌。拔之不易斷。最難芟除。故有牛筋之名。入藥莖葉並用。

【功用】作強壯藥。治脫力黃勞。

【用量及服法】每用二三兩。入烏骨鷄腹中。蒸熟。去草食雞。效。

■仙掌子

仙掌子。卽仙人掌之子也。此植物。爲常綠灌木。莖扁闊多液。外面有刺。長尺許。幅一二寸。互相層疊。夏月開黃赤色複瓣之花。實之形狀如蜜果。外面多毛刺。熟則可食。生產於氣候乾燥而雨量稀少之處。今多栽培庭園。以作觀賞。惟開花結實者甚少。入藥用子。

【功用】補諸虛。

【用量及服法】不拘多少。生食宜。

■虞美人（麗春）

虞美人。葉莖花實皆似罌粟。而莖有毛。一本數十花。入藥用根。

【功用】治貧血。

【用量及服法】以根搗汁一盞。空心。頓溫服。須臾即行三兩次。其疾立已。不  
痊。隔七日再一劑。永瘥。

■石南葉

石南葉。爲常綠灌木。生於高山。春生新葉。葉大。其下面有毛。腰圓形而尖。夏日開  
花。淡紅色。入藥用葉。

【功用】作強壯藥。補腎興陽。

【用量及服法】每用三錢。水煎服。

■兔絲

兔絲蔓草。生於山野。纏繞於他植物上。寄生莖細長。黃綠色。葉小鱗狀。花小形。赤色。入藥用莖葉及花。

【功用】作強壯藥。

【用量及服法】每用五錢至一兩。水煎服。

### ■ 費菜

費菜。人多栽培之。多年生草本。春月自根部抽苗。高七八寸。叢生。葉肉質甚厚。長橢圓。或長倒卵形。緣邊有鋸齒。互生。夏秋莖頂開花。小而黃。各部俱五數。入藥採摘其嫩腦用之。

【功用】作強壯藥。治虛弱。

【用量及服法】採嫩腦九個至十四個。以母雞一隻宰殺。去毛淨。剖腹去腸。納入。入蒸或煮。待熟食雞。

### ■ 小草



小草。自生於山野。常綠草本。莖細。多倒於地上。葉小互生。夏月開花如蛾。紫色。實扁平。入藥根及莖葉並用。

【功用】作強壯藥。治欬嗽。消痰。補虛弱。安神。

【用量及服法】每用一錢至二錢。作煎劑。

### 金櫻

金櫻。山野自生。其莖長。多刺。夏日開白花。單瓣。亦有淡紅色者。果作壺狀。亦有刺。根實俱可入藥。

【功用】實作強壯劑。治虛弱。療腎泄。根治風痛。

【用量及服法】實每用三四錢。水煎服。根水酒各半煎服。

### 淫羊藿

淫羊藿。生於山野。多年生草本。莖高一二尺。葉二回掌狀複葉。自九小葉成。小葉心臟形。春日開花。紫或白色。花瓣長而如錨。入藥用葉。

【功用】作強壯藥。興陽。治陰痿。

【用法及服法】每用三四錢。水煎服。

■南天竹

南天竹。生於山野。爲觀賞植物。多栽培庭園。常綠。幹高四五尺。葉互生。初夏開小花。白色。結果球形。經霜紅赤。可愛。入藥用子。

【功用】作強壯藥。

【用量及服法】每用三錢。水煎服。

■夜關門

夜關門。一年生草本。莖長三四尺。葉如苜蓿。秋時開花黃色。結實成莢。入藥莖葉及子並用。

【功用】作強壯藥。治虛勞咳嗽。

【用量及服法】每用五錢至一兩。水煎服。

# 行氣藥

## ▣ 遍地香 (連錢草)

遍地香。葉圓而邊有鈍鋸齒。莖方形而長。莖葉俱有香氣。花唇形。青紫色。入藥莖葉並用。

【功用】爲行氣藥。強壯藥。能退熱。止血。療久欬。又爲鎮痙藥。治小兒驚癇。

【用量及用法】採葉二三片。塞鼻孔。又以三錢至五錢。作煎劑。

## ▣ 五香草

五香草。生於山野。葉小莖短。莖葉俱有香氣。五月五日。採莖及葉。晒乾用。

【功用】爲行氣藥。主痧氣。霍亂等症。

【用量及服法】乾用。每以一錢至一錢五分。作茶劑。

## ▣ 土藿香

土藿香。多栽培園圃。宿根草。莖高三四尺。葉心臟形。緣邊有鋸齒。對生。花小。青紫色。香氣頗盛。入藥莖葉並用。

【功用】行氣、健胃、治胃病、療霍亂、嘔泄、氣鬱等症。

【用量及服法】每用二三錢。泡飲、或煎服。

■ 蘭孫

蘭孫。卽蘭花開後結成之子房。俗名蘭孫。

【功用】治呃逆。

【用量及服法】每用二枚、或三枚。與地枯婁同煎服之。

■ 馬蹄香 (杜薔) (南細辛)

馬蹄香。多年生草。葉心臟形。葉柄甚長。四五月開花。暗紫色。結子如鈴狀。入藥根

莖葉並用。

【功用】行氣、健胃、止嘔。

【用量及用法】乾用。一錢至一錢五分。作茶劑。或煎劑。或研末。嚙入鼻孔。有取嚏之效。

■ 水菖 (白菖)

水菖。生於池澤。根莖甚長。多年草。葉劍狀。爲平行脈。葉長二三尺。花小形。淡黃色。爲肉穗。花葉根俱有香氣。

【功用】根爲行氣藥。能健胃。

【用量及服法】採根二三寸。煎服。

■ 石菖

石菖。爲菖蒲之附石而生者。葉長一二寸至尺餘。根盤屈有節。乾則堅實。拆之。心微赤。嚼之。辛香。根花俱入藥。

【功用】根行氣健胃。花調經行血。

【用量及服法】每用一錢五分至一錢。水煎服。

□ 香草

香草。觀賞植物。多栽培庭園。春月下子。莖長尺餘。葉小青色。夏間開紫色小花。莖

葉花俱有香氣。

【功用】爲行氣藥。治氣鬱、中暑、及霍亂。

【用量及服法】鮮用。採腦五至七個。泡飲。

□ 金鐘薄荷

金鐘薄荷。宿根草。產於山地。形狀與薄荷同。而葉較細。入藥莖葉根並用。

【功用】內用。治腹痛、齒痛、跌打損傷。外用。治諸蟲咬傷。

【用量及用法】內用。每服三五錢。作煎劑。外用。以根加醋搗敷。

□ 雞鴨脚艾

雞鴨脚艾。葉細多歧。間有闊者。雜之。狀如雞鴨脚。然莖葉搓之有艾香。

【功用】治疝氣及脚氣。外用治風濕。

【用量及用法】每用三四錢。作煎劑。外用黃酒煎洗。

■ 嬾酣草 (嬾孩兒)

嬾酣草。處處有之。葉尖大如指甲。有枝梗。夏月開紫花成簇。結子甚細。今人多栽。培庭園作觀賞植物。婦人暑月採之插髮。可辟膩。臚入藥莖。葉並用。

【功用】作行氣藥。治霍亂吐瀉。

【用量及服法】鮮用。四錢至六錢。水煎服。

■ 苦橘皮

苦橘皮。爲通常橘實之皮。嘗之味苦而香。

【功用】健胃行氣。

【用量及服法】每用一二錢。作煎劑。或研末爲散劑。

■ 石見穿

石見穿。一年草。生於平原。莖方形。高二三尺。生枝甚多。葉對生。如紫蘼而小。綠色。

莖葉皆有香氣。秋間開花紫色。唇形。入藥莖葉並用。

【功用】行氣消食。治胃病。胸痞。腹痛。瀉利。

【用量及服法】每用三四錢。作煎劑。

■ 香櫚皮

香櫚皮。爲柑橘類之一種果實之皮。果較橘大而圓。皮甚香。肉酸。不可食。

【功用】破氣消食。健胃治臌脹。

【用量及服法】每用二三錢。作煎劑。

■ 蒔蘿子

蒔蘿。一年生草。高二三尺。葉細如絲。夏日開小黃花。瓣內缺。子大如黍米。橢圓微

扁。面香。黑褐色。入藥用子。

【功用】行氣開胃。治呃疝氣。

【用量及服法】每服八分至一錢。作煎劑。或散劑。



# 止痛寧睡藥

## ■ 土三七

土三七。人家多植之。莖高二三尺。葉如蒿艾而較闊大。互生。六七月間開黃色小花。入藥用根與葉之汁液。

【功用】治跌打風痛。葉之汁液。治毒蟲螫傷。頗效。

【用量及服法】鮮根二錢至三錢。用黃酒煎服。

## ■ 山苧麻

山苧麻。生於山野。葉卵形而尖。有鋸齒。背面有白毛。花小。綠色。其莖與皮。可以製繩索。入藥用皮。

【功用】止痛。治跌打損傷。

【用量及服法】一錢至一錢五分。黃酒煎服。

倒掛金鐘 (紫葳花)

倒掛金鐘。生於山野。藤本。莖高一二丈。葉五奇數。羽狀複葉。七八月間。開五出鐘狀之花。紅黃色。下垂。入藥用根及花。

【功用】根、治風痛。花、活血調經。

【用量及服法】根、每二三錢。浸酒。或以酒煎服。花、作煎劑。

鬧羊花 (羊躑躅)

鬧羊花。生於山野。葉披針形。三四月間。開黃色之花。花後結實。有六軸。名六軸子。又名土連翹。入藥用根與花及子。

【功用】根與花、止痛治風痛及跌打損傷。子、治風寒濕痺。癰腫脹。撲損疼痛。

【用量及服法】花、以三朵或五朵。水煎。加黃酒沖入服。根、浸酒用。子、爲散。每服五分至七分。黃酒送下。

田鷄草

田雞草處處有之。葉圓有鈍鋸齒貼地而生。莖細節行地上。入藥用葉。

【功用】治跌打。

【用法】採葉搗爛貼患處。

### 土青木香

土青木香。生於山野。多年生草本。葉鈍頭長心臟形。與薯蕷之葉相似。莖細纏繞於他物上。夏月開花如喇叭。上部黑紫色。下部綠色。結實如鈴狀。入藥用根。

【功用】爲行氣藥。能清血毒。調經。

【用量及服法】乾用一錢至二錢。水煎服。

### 金寄奴 (消飯花)

金寄奴。生於山野。多年草。每自宿根抽苗。莖長三四尺。葉羽狀深裂。裂片披針形。緣邊有銳鋸齒。秋間梢上分小枝。開黃白色之小花。入藥莖葉及花並用。

【功用】行氣消食。治金瘡。

【用量及服法】乾用三錢至五錢水煎服外用以鮮揉損貼之。

樟根

樟。生於山野落葉喬木。全部有香氣。高達數十尺。葉卵形而尖。有葉柄。初夏葉腋抽出長軸開黃白色之小花。子黑色球形。如豌豆大。入藥用根。

【功用】爲行氣藥。強心藥。能治胃痛。霍亂。噎氣等症。

【用量及服法】每用一二錢。水煎。或研末服之。

鵝郎草 (羊奶)

鵝郎草。隨處皆有。爲二年草。或一年草。春夏二季。俱能萌生。葉如非字。葉脚抱於莖上。莖高二三尺。春夏二季開花。黃色。花後有白毛成簇形。如鎖刷子。見風便飛入藥根莖葉並用。

【功用】有麻醉性。能戒煙。治風痺。

【用量及服法】鮮用二三錢。水煎。沖入黃酒適宜。溫服。

■茉莉根

茉莉爲觀賞植物。其性畏寒。葉弱枝繁。莖圓形而尖。夏季開小白花。重瓣無蕊。秋盡乃止。花皆夜開。清香襲人。入藥用根。

【功用】作迷蒙藥。用以接骨。則不知痛。

【用量及服法】取根。酒磨寸許服之。

■僧鞋菊 (草烏頭)

僧鞋菊爲觀賞植物。有毒。生於山野。莖高三四尺。葉廣闊。掌狀分裂。綠色。花濃紫色。或紫碧色。入藥用根。

【功用】作麻醉藥。治打撲風痛。及瘡癰。

【用量及用法】乾根。用時須用薑汁炒。或製後用之。每以三五分。作散劑。或煎劑。或浸酒服。治疾。用醋或酒磨塗。

■接骨仙桃

接骨仙桃。生於田野。穀雨後生苗。葉光長。類旱蓮。高尺許。莖空。摘斷不黑。立夏後開細白花。亦類旱蓮而成穗。結實如豆。大中空。內有小蟲。入藥連蟲焙乾用。

【功用】治跌撲損傷。

【用量及服法】每用五錢。水煎。沖入黃酒一盃。溫服。

活血草 (荷包牡丹)

活血草。草本。莖高二尺許。葉如牡丹花。如荷包。一花軸上着數十花。下垂如俛花。色淡紅。鮮茂嬌豔。以供觀賞。入藥用根。

【功用】作麻醉藥。治金瘡。

【用量及服法】搗汁一小盃。酒沖服。

鴛粟殼

鴛粟殼。爲鴛粟果。曾割取阿片。而廢棄之果殼。球形。其色黃褐。

【功用】能止痛甯睡。止瀉利。

【用量及服法】每用二三錢。作煎劑。

## 吐藥

### 芥子末

芥子。分黑白兩種。入藥俱佳。或以黑白各半。合研用。

【功用】作吐藥。治誤食毒物。外用。作引炎藥。俗名吊藥。

【用量及用法】五分至一錢。吞服。開水下。引炎。加麵粉調外貼。牙痛。貼敷頰部。胃痛。敷心口。小兒驚癇。敷足心。感冒頭痛。敷足底。其他各部痛。則按其部位而敷之。

### 綠荳

綠荳。旱地作物。形狀性質。近於荳類。高尺餘。葉複葉。以三小葉成。花黃色。蝶形。莢細長。荳綠色。入藥用荳及根。

【功用】作吐藥。治中食物毒。

【用量及服法】用荳生搗加水取汁飲。採根一二兩生搗取汁服。如未吐以雞毛探喉效。

老鴉蒜（石蒜）（金鎖匙）

老鴉蒜。生於山野。多年生草本。高至一尺餘。地下莖及其他之形狀。與鐵色箭相似。葉叢生細長闊二三分。長一尺許。如線狀。有平行脈。冬季生葉。至夏則枯。秋間發花莖。頂上着花數枝。如繖形。花紅色。花蓋六片深裂。各裂片開出而反卷。有長雄蕊六枚。突出於花外。雌蕊一枚。比雄蕊更長。葉與花時期互異。亦同鐵色箭。惟鐵色箭花呈黃赤色。分裂較淺。各裂片不反卷。雄蕊比花蓋不長。故有差別。此爲有毒植物。若誤食其花。則有言語澀滯之虞。

【功用】作吐劑。又能治外症。（一）治雙單喉蛾。（二）治對口初起。（三）洗痔漏。

【用量及用法】（一）取根搗汁一小杯漱口。（二）搗爛隔紙貼之。（三）與



鬼蓮蓬同搗好酒煎置瓶內先薰後洗一日三次。

## 瀉藥

### 玉餛飩

玉餛飩生於陰地。葉圓。葉柄處有缺陷。根莖細。入藥莖葉並用。

【功用】治水脹。

【用量及服法】五錢至一兩。水煎服。

### 烙鐵草（紫花地丁）

烙鐵草。生於山野。葉形如烙鐵。葉柄長。三四月間開紫色花。入藥用根及葉。

【功用】作瀉藥及催吐藥。外用治疥瘡。

【用量及用法】採根乾用以三錢至五錢。作煎劑。瀉劑加蜂蜜一兩沖入。尤效。外用與大楓子油、水銀、硫黃合搗爲疥瘡藥。

■鼠李

鼠李生於山野中。爲落葉灌木。高至丈餘。枝梢有針。葉橢圓形。或倒卵形。有鋸齒。互生。五月間開淡黃綠色之小花。叢生於葉腋。花瓣及雄蕊各四枚。雌蕊一枚。果實黑色圓形。大如小豆。採而乾貯之。入藥根及果實並用。

【功用】能平肝助膽。潤腸便大便。

【用量及服法】根。鮮用。三錢至四錢。果實。乾用。一錢五分至二錢。水煎服。

■槐葉

槐。落葉喬木。高二三丈。葉爲一回羽狀複葉。互生。小葉數奇而形小。下面帶白色。初夏。各花排列。爲大圓錐花序。開蝶形黃白色之花果。爲莢果。入藥用葉。

【功用】利大小便。治水臌。

【用量及服法】每用五錢至一兩。水煎服。

■牽牛子

牽牛子。生於平原。一年生之纏繞草木。葉心臟形。有三裂。互生。夏間葉液開花。如漏頭狀。顏色不一。朝開日出卽萎。子球形。三室。各室含有二子。入藥用子。

【功用】作瀉藥。

【用量及服法】每以八分至一錢五分。水煎服。

## 利尿藥

■野芹（水芹）

野芹。生於卑溼之處。多年生草本。根甚長。藉以繁生。春月生苗。葉二回羽狀複葉。自多數葉成。互生。莖長一二尺。夏日莖頂開白色小花。此植物有特殊之香氣。嫩葉可供食用。根莖葉俱可入藥。

【功用】爲利尿藥。能治小便不通。又能開胃。調經。

【用量及服法】鮮用一兩至二兩。水煎服。

### 山芥菜

山芥生於山野。草本。莖高一二尺。下有葉柄。葉如菜菔狀。其端裂片大。稍爲圓形。上葉無柄。葉基脚抱莖如耳。四五月間。頂端開花。總狀黃色。入藥用根。

【功用】能利小便。治白臙疽（皮膚蒼白而腹部脹大如臙）。

【用量及服法】取根一二兩。搗爛。臙上卷之。

### 薏苡根

薏苡。人多栽植之。春間實生。或自宿根生苗。葉如初生苞芽。高四五尺。五六月抽莖。開花結實。尖圓而有殼。種子卽薏苡仁。供食用或藥用。以根入藥。功效尤勝。

【功用】利小便。主濕熱及水腫。

【用量及服法】採根一二兩。水煎服。

### 車前草

車前。俗名野甜菜。生於山野。多年草。葉廣卵形。有葉柄。花淡紫色。四片如筒。子卽

車前子。入藥根葉子俱可用。

【功用】爲刺戟緩和性利尿藥。

【用量及服法】根苗鮮用一兩至二兩。水煎服。

### ■黃蜀葵

黃蜀葵人家多植之。高約三四尺。地下有肥大之根。葉掌狀。有深裂。互生。秋季開黃色五瓣之花。入藥用根。

【功用】治淋疾。

【用量及服法】每用五錢至一兩。五錢。水煎服。

### ■荸薺根

荸薺多栽培於水田。亦有野生者。宿根。地下生塊根。扁圓。色黑。莖高三四尺。圓形。如管花如筆頭狀。生於莖頂。塊根供食用。入藥用細根。

【功用】利小便治黃疸。

【用量及服法】鮮根二兩至四兩。水煎服。

■ 牡荊

牡荊。爲灌木。高四五尺。葉掌狀複葉。葉小有鋸齒。七八月開青色或紫色小花。入藥用葉。

【功用】能利尿通經。

【用量及服法】每用八錢至一兩。作煎劑。

■ 摘梅條

摘梅條。生於山野。或籬邊。高至三四尺。葉小而厚。橢圓形。入藥用條。

【功用】利小便。治腫脹。及小兒白臍疽。

【用量及服法】鮮用二兩至三兩。水煎服。

■ 金雀花根

金雀花。山野自生。爲常綠灌木。高至四五尺。自三小葉成。花生於葉液。花形如雀。

呈赤黃色。亦有白色者。名銀雀花。頗美麗。供觀賞之用。入藥用根。

【功用】利小便。治痛風。

【用量及服法】乾用。三錢至五錢。水煎服。治痛風。亦可以根用酒浸出。頻飲。

### 玉蜀黍根

玉蜀黍。爲禾本科植物之種子。供食用。入藥用根。

【功用】利小便。

【用量及服法】乾用。八錢至一兩五錢。水煎服。

### 篇蓄

篇蓄。一年生草。多生於路傍。高尺餘。弱莖。引蔓節。促有粉葉。狹長而厚。略似竹葉。夏月葉腋開淡紅花。甚細。入藥莖葉並用。

【功用】利小便。通淋。治黃疸。

【用量及服法】乾用。以三錢至五錢。水煎服。

■石韋

石韋。隱花植物。多生崖罅處。其地下莖有茶褐色之鱗片。葉深綠。長者近尺。闊寸餘。柔韌如皮。背面密佈濃褐色粉末。並生子囊。羣莖柄甚長。入藥用莖及葉。

【功用】利尿。治淋濁。

【用量及服法】乾用。四錢至八錢。水煎服。

■萱草根

萱草。生於山野。多年生草本。莖高二尺餘。葉如蒲蒜。叢而柔弱。夏月莖梢着以數花。花蓋六片。呈紅黃色。朝開而暮萎。此花及嫩芽可食。根如麥門冬。入藥用根。

【功用】利膀胱。治淋濁。

【用量及服法】鮮根。一兩五錢至三兩。水煎服。

■一枝黃花

一枝黃花生於山野。多年生草木。春間自舊根作芽。高至二三尺。莖細而強。其色



紫黑。葉卵形或橢圓形。或披針形而尖。有明顯之細脈。秋末莖梢開花。黃色。攢簇而生。入藥採其莖葉之帶花者。

【功用】治腎病及膀胱病。並可洗腫毒。

【用量及用法】內服三錢至五錢。水煎服。作用以水煎洗。

### 地枯蕒

地枯蕒。卽枯萊蕒。爲採種時所拔取者。

【功用】利水。治腫脹。止呃。

【用量及服法】乾用。三錢至一兩。水煎服。

### 榆皮

榆。生於寒地。爲落葉喬木。生長易。大者高達十丈。幹皮深褐色。有扁平之裂口。剝脫如鱗狀。葉爲橢圓形。或倒圓形。頗大。緣邊有鋸齒。厚而剛甚粗糙。三四月間先開花而後生葉。花細小。淡綠色。果實扁圓。有膜質之翅。入藥用皮。

【功用】利小便。

【用量及服法】乾用、五錢至八錢。水煎服。

■松枝皮

松枝皮爲松樹枝條之皮。

【功用】通小便治淋濁。

【用量及服法】鮮用。三錢至六錢。水煎服。

■杜松實

杜松。生於山野。常綠樹。高至數丈。葉針形。果實爲球果。入藥用實。

【功用】利尿治淋濁。

【用量及服法】每用三錢至五錢。水煎服。

■松節

松節。卽松木枝幹上。膨大而形如節者。

【功用】利濕治風痛腫脹

【用量及服法】每用四錢至八錢水煎服

■ 水燈心 (燈心草)

燈心草生於溼地長三四尺莖圓綠色如細線狀有圓橫斷面其外觀却如葉內有白心葉則在莖之基部及花部鱗狀夏間莖之上部側生花梗分歧甚多各綴以小而黃綠色之花入藥用莖葉及花

【功用】利水鎮瘕

【用量及服法】每以二三錢水煎服

■ 葫蘆殼

葫蘆蔬果類一年生蔓草莖細長由卷鬚而纏繞於他物上葉圓心臟形而尖掌狀淺裂花白色果長形兩端膨大中部有細腰入藥用其果實之乾殼

【功用】利尿治腫脹

【用量及服法】每用五錢至一兩。水煎服。

## 發表藥

### 接骨木

接骨木。生於山野中。爲落葉灌木。莖高丈餘。葉對生。奇數。羽狀複葉。小葉長卵圓形。有鋸齒。花小形。綠白色。果實如球。紅白色。入藥用花。

【功用】爲發汗藥。治寒冒。又爲鎮痛鎮痙藥。

【用量及服法】每用一錢至三錢。作茶劑。

### 馬鞭草

馬鞭草。生於原野路傍。高二三尺。草本。葉對生。有三裂。更有羽狀之齒裂。花細小。紫色。爲穗狀花。

【功用】作發汗藥。又可爲婦血調經藥。

【用量及服法】鮮用一兩至二兩。水煎服。

■常春藤

常春藤生於山野。蔓生。葉柄甚長。互生。卵圓形。全邊有鋸齒。花開於頂端。小形黃色。入藥用莖葉。

【功用】作發汗藥。

【用量及服法】鮮用四錢至五錢。水煎服。

■土荆芥

土荆芥野生。二月生苗。莖高至二尺餘。葉如線形。至夏梢頭成穗。開細小唇形花。色帶淡紅。種子細小。黃赤色。入藥宜於開花時採集陰乾。

【功用】作發表藥。退熱藥。治頭痛。骨節炎。與寒冒發熱等症。

【用量及服法】每用三錢至四錢。作煎劑。

■葱白

葱白。即吾人食用之葱。而採用其近根呈白色之一部。每莖可入藥者寸許。

【功用】作發表藥。能發汗。助消化。

【用量及服法】每用三寸至五寸。泡飲。

□ 浮萍 (水萍)

浮萍。一年生小草。其體扁平。倒卵形。上面綠色。下面帶紫赤色。其根纖細無枝。於體之下面叢生。浮生於水田池沼等滯水之上。

【功用】作發表藥。能發汗。治風痛。

【用量及服法】乾用二錢至四錢。水煎服。

□ 桑

桑。落葉喬木。多栽培於園圃。葉卵圓形。具鋸齒。有分裂。有不分裂者。春末開花。淡黃色。果實長橢圓形。略與懸鉤子相似。入藥。用葉及初茁之芽與果實。

【功用】葉與芽。作發表藥。治感症。及頭痛。風痛。果實作收斂藥。與強壯藥。

【用量及服法】桑葉。每用三錢至四錢。作煎劑。桑芽。每用一錢五分。作茶劑。果實。乾用三錢至四錢。作煎劑。或煎製成膏。每以三錢。用沸水沖服。

### ■ 土薄荷

土薄荷。生於溼地。爲多年草。有地下莖。繁殖甚盛。莖高一尺餘。方形。葉卵形而尖。緣邊有鋸齒。對生。秋日開花。花小。唇形。花冠紫色。此植物之莖葉。有香氣。入口有涼快之感。可以入藥。

【功用】爲解表藥。能驅風。興奮。殺菌。可治齒痛。

【用量及服法】每以三四錢。水煎服之。

## 退熱藥

### ■ 土地骨皮

土地骨皮。生於平原。莖長四五尺。莖上有刺。葉長橢圓形。挾長柔軟。互生。春月開

花紫色。花瓣五數。秋間結小漿果。紅色。卵形而尖。稱土枸杞子。其葉供食用。入藥用皮根。

【功用】退熱發表。治瘧疾、潮熱。及骨蒸勞。

【用量及服法】鮮用八錢至一兩二錢。乾用三錢至五錢。水煎服。

■ 茅根

茅。又名白生茅。於山野。多年生草本。葉細長而尖。種子有長毛。其根甚長。白軟如筋。而有節。其味甘。山家小兒多採食之。入藥用根。

【功用】退熱。治咯血。利小便。

【用量及服法】鮮用二兩至三兩。水煎服。

■ 柳枝皮

柳枝皮。卽楊柳枝條。去其木心。而用其青色之皮。外面外黃黑之粗皮。悉剝除。而後入藥用。



【功用】作退熱藥治瘧疾及風濕骨痛。

【用量及服法】鮮用一兩至一兩五錢。水煎服。

### 野薔薇

野薔薇生於田野籬邊。葉如薔薇而本多刺。花有純白粉紅。皆單瓣。香味極似玫瑰。可蒸餾取油入藥。用根及花與其果實。

【功用】能退熱。根治泄痢。消渴。小便失禁。煎汁含漱。治口舌糜爛。花可治瘧疾。果實治腳氣咳嗽。風痛。與婦女月經不調。與帶下諸症。

【用量及服法】根每用五錢至八錢。花十朵。果實三錢至五錢。俱水煎服。

### 大青葉

大青。多年生草。葉爲掌狀複葉。形如羊蹄而少短。夏月開黃綠色之小花。入藥用葉。

【功用】能涼解。治傷寒熱病。喉痛。入微毒等症。

【用量及服法】鮮用四錢至六錢。水煎服。

■繡球花

繡球花。多栽培庭園。爲觀賞植物。落葉灌木。葉橢圓形。有鋸齒。夏初開花。有多數花集生成球。先白後微紅。頗爲美觀。入藥用花及葉。

【功用】花能退熱。葉治疥癬。

【用量及用法】花乾用一錢至二錢。水煎服。葉搗敷。

■酸漿

酸漿。生於山野。多年生草本。春間自宿草抽苗。高二三尺。葉卵形而尖。夏月開花。五出。白色帶微綠。實爲漿果。赤色下垂。頗爲美觀。入藥莖葉根果實並用。

【功用】莖葉根能退熱。果實治小兒疳疾。

【用量及服法】莖葉根鮮用。五錢至一兩。果實五枚至十枚。水煎服。

■野靛青

野靛青一名鴨青處處有之葉狀如莧中有青暈入藥莖葉並用。

【功用】治結熱黃疸。

【用量及服法】每用五錢至一兩水煎服。

### ■ 飛鸞草

飛鸞草生於背陰之處形如飛鸞有頭有翅有三尾雪中開五色花中抽一莖直上著花葉狀如金絲荷葉而光面青而背銀紅色（葉有黑毛而不開花者卽斷腸草能殺人不可誤採）故須雪中見花者爲真根如生薑入藥用葉。

【功用】解熱毒治咽喉及口內諸病。

【用量及服法】取葉七片泡飲。

### ■ 元寶草

元寶草生於田野草本莖高尺餘葉無柄對生其基脚連合爲一體極似莖自葉心抽出者兩葉供計長三四寸闊約一寸花小形黃色頂生聚繖花叢萼五

片長橢圓形花瓣五片橢圓形雄蕊三體花柱三個蒴果

【功用】退熱治吐血衄血跌撲閃腰挫痛癰毒

【功用及服法】每用一二兩 水煎服。

### ■ 蕨

蕨俗稱蕨其生於山野爲多年生草本根長匍匐於地中隨處生葉葉爲數爲複葉長二三尺葉嫩時可供食用根採製澱粉曰蕨其粉入藥用根

【功用】爲退熱藥治黃疸癩癰腫風痛目痛主咽喉熱症傷寒溫病

【用量及服法】乾用三錢至五錢 水煎服。

### ■ 水蘆

水蘆生於河傍池沼瀝水之處莖高丈餘葉有平行脈秋間莖頂抽花種實有白毛入藥用嫩根及新芽

【功用】爲退熱藥主傷寒熱病。

【用量及服法】鮮用一兩至二兩。作煎劑。

□ 檉柳

檉柳。俗名西河柳。葉細如絲。婀娜可愛。爲觀賞植物。一年三次作花。故又名三春

柳。花水紅色。入藥用嫩莖葉及花。

【功用】葉爲退熱藥。治麻疹。花治中風。

【用量及服法】乾用以三錢至四錢作煎劑。

□ 淡竹葉

淡竹葉一名碎骨子。生於山地之草本。葉如竹葉而軟。長三四尺。梢上抽花。分岐

綠色。其根如鬚鬚。上結球如麥門冬。而細小。入藥根莖葉並用。

【功用】性涼潤。治熱病瘡瘍。

【用量及服法】每用三錢至四錢。作煎劑。

□ 柞枝

柞木。本生於山野。高至丈餘。莖有刺。葉常綠。卵形。緣邊有鋸齒。秋間開黃色小花。結球狀漿果。入藥用枝。

【功用】性涼。治熱病。療小兒口炎。流涎瘡毒。

【用量及服法】鮮枝一兩至二兩。水煎服。

忍冬

忍冬。生於山野。多年生纏繞植物。葉卵形。或橢圓形。對生。經冬不枯。初夏開花。集生於葉腋。花唇形。分裂白或黃色。入藥用莖葉及花。

【功用】退熱。治溫病。療瘡腫。

【用量及服法】每以三錢至五錢。水煎服。

黃荊條 (山楊柳)

黃荊。山野自生。莖高丈餘。枝條細軟。葉披針形。如柳葉。多栽植以作生籬。入藥用枝條及根。

【功用】退熱。敗毒。治耳下腺炎（俗稱疔腮）及瘡腫、齒痛。  
【用量及服法】每用八錢至二兩。水煎服。

## 殺蟲藥

### ▣ 棟根皮

棟根皮。即採取棟樹根上之皮。

【功用】殺蟲。治小兒腹內生蟲。

【用量及服法】鮮用三錢至六錢。水煎加糖服。

### ▣ 石榴根皮

石榴根皮。即石榴果樹。採取其根部之皮。鮮乾俱可入藥。

【功用】殺蟲。有收斂性。治小兒蟲病。

【用量及服法】乾用一錢五分至三錢。水煎服。

■ 薺

薺。產於平原。初生時。可作蔬菜。秋間或春初生葉。二三月間抽莖。上開四瓣白色小花。結實如莢。入藥在開花期內採集之。

【功用】避蚤。治赤痢。

【用量及用法】採花陰乾。散布於臥床上。避蚤效。乾用三四錢。（治赤痢）水煎服。

■ 羊蹄

羊蹄。生於稍濕之處。高二三尺。葉大形。廣披針形。互生。花小形。淡綠色。叢生於花軸。根粗大黃色。入藥用根。

【功用】治疥癬腫毒。

【用法】以根搗汁塗布。

■ 椴木



椴木。生於山谷。高五六尺。葉細長。有鋸齒。互生。冬季枯落。至春白枝梢抽穗。長二三寸。開小白花。花後結實。入藥用葉。

【功用】爲殺蟲藥。能驅除毛虱。治疥癬及蛇毒咬傷。

【用法】驅虱。治疥瘡。用水煎洗。治蛇毒。用葉搗塗。或研末敷。

### ■羊齒

羊齒。生於山地。多年生隱花植物。葉羽狀複葉。花如鱗狀。長至三四尺。往往有許多葉片叢生。子囊生於葉之下面。有圓腎形狀之被包。入藥用地下莖。

【功用】治繸蟲（小兒蟲病之一種）

【用量及服法】每用三四錢。水煎。加糖服之。

### ■綠葉樹（鹿藜）

綠葉樹。生於山野。爲常綠樹。葉卵形而尖。煎汁可作染料。夏間開黃白色小花。氣甚芳香。入藥用該樹之根皮。

【功用】治疥瘡

【用法】與硫黃、花椒、豬油等同搗敷之。

蜀漆

蜀漆。生於山野。葉橢圓形。落葉灌木。發惡臭。春暮開小花。淡黃色。入藥莖葉並用。

【功用】治瘧疾殺蟲。

【用量及用法】莖葉焙乾。治瘧疾以三錢至四錢。水煎服。又以莖葉煎汁。用以殺牛馬之虱甚效。

夜嬌嬌 (紫茉莉)

夜嬌嬌。爲觀賞植物。栽培於庭園。莖高二三尺。葉卵形而尖。對生。有葉柄。夏月每至夜間開花。花紅或白色。如漏斗狀而小。子黑色。內含如乳狀之胚乳。可爲婦人面粉。紅色之花。可以點唇。入藥用葉。

【功用】治疥癬

【用法】葉揉潰塗布。

### 苦參

苦參。生於山野。多年生草。本自一根抽數莖。高至二三尺。葉羽狀。自許多小葉成。互生。花蝶形。黃綠色。果實爲莢。有毒。入藥用根。

【功用】殺蟲。治疥癬。

【用法】鮮根搗汁塗敷。乾根煎汁洗之。

### 祛痰鎮咳藥

#### 鳳尾草

鳳尾草。蕨類。多生於石砌或井口邊。常綠草。本根莖生密毛。葉長尺許。叢生。羽狀分裂。裂片線形。上部漸細。排列如雞足狀。入藥莖葉並用。

【功用】治咳嗽。

【用量及服法】鮮用五錢至八錢。水煎服。

野芋苳

野芋苳。生於溝澮間。葉與芋苳相似。而狀較小。根部不如芋苳之發育。而無球根。

入藥用根上之葉柄。

【功用】治肺炎。

【用量及服法】鮮根六錢至一兩二錢。水煎服。

金背茶匙

金背茶匙。水龍骨科。生於巖石及陰濕處。葉如石韋而狀較短小。背面生黃紅色細毛。或壘藥如金星。經冬不凋。入藥根莖葉俱用。

【功用】鎮咳。補虛。治咯血。

【用量及服法】鮮用八錢至一兩五錢。水煎服。

合歡皮 (夜合皮)

合歡。生於山野。落葉喬木。高丈餘。葉爲二回羽狀複葉。自許多小葉成。早開暮合。

五月開花。散如垂絲。淡紅色。實爲長莢。入藥用皮。

【功用】治肺癰。

【用量及服法】鮮用一兩至二兩。水煎服。

### 白頭翁

白頭翁。生於山野。多年生草本。全部密生白毛。高尺許。葉羽狀複葉。簇生於地下。春月開花紫色。甚美麗。結實甚多。有鬚。至成熟呈白色。恰似老翁之頭。其植物之全部供藥用。有刺戟性之毒質。若用之過量。往往中毒。甚至於死。

【功用】治氣管之病。及痢疾。

【用量及服法】乾用一錢五分至三錢。水煎服。

### 狼把草

狼把草。生於濕地。一年草。莖高二尺。葉下部有三裂或五裂。有粗齒。上部之葉廣。

披針形。亦有粗鋸齒。至秋枝稍開筒狀黃色小花。頭狀花序。果實有細刺。易於附着他物。入藥莖葉並用。

【功用】治肺結核及氣管諸病。

【用量及服法】乾用五錢至八錢。水煎服。

### ■望江青

望江青。生於澤旁湖岸。穀雨後生苗。莖中空。葉狹長而尖。有鋸齒。對生。小滿後抽莖。開花成穗。色細紫。層層而上。寒露時枯。根多鬚。節間方而白。中空而長。入藥用根。

【功用】治肺虛失音。咯血。旁損。

【用量及服法】每用一兩。水煎服。

### 刺戟藥

## ■ 蒜

蒜。爲香辛類園蔬。臭氣甚強。多年生草本。高至二三尺。地下有鱗莖。葉細長。夏日抽花軸。花白色帶紫。雜有珠芽。人家多植之。入藥用鱗莖。

【功用】蒜頭。內服爲健胃藥。治霍亂痢疾。及一切腸胃病。外用爲吊藥。治水腫。蒜梗。治痔漏凍瘡。

【用量及用法】內服。每以鱗莖一二枚。煮食。外用以鱗莖搗爛。置於臍上。俟起水泡。搗去（水腫）蒜梗。以水煎溫洗。

## ■ 酸斑莧

酸漿草。生於平原。葉柄甚長。葉由三片之倒心臟形小葉合成。春末開黃色五瓣小花。入藥用葉。

【功用】治麻疾。及打撲疼痛。蛇毒疥瘡。

【用量及用法】麻疾。每用二錢至三錢。水煎服。打撲疼痛。用葉加鹽搗爛。擦俟

皮膚現青色。效。蛇毒疥瘡。絞汁塗布。

■ 韭根

韭。蔥屬。多年生草本。春月生苗。高至尺餘。葉細長而扁。花有花被六片。白色。雄蕊六枚。集生於花莖之頂。繖形花序。供食用。入藥用根。

【功用】利尿治目內障星。

【用量及用法】利尿鮮用八錢至一兩。水煎服。治目以根搗爛貼脈上。男左女右。候起水泡。揭去水泡。用銀針挑破。流出黏液。頗效。

■ 瑞香皮

瑞香。觀賞植物。栽培於庭園。爲常綠小灌木。高四五尺。葉長橢圓形。質厚。有光澤。冬月葉間抽出花蕾。至春分前開放。繖繖花序。花爲合萼四裂。有紅白兩色。芳香甚盛。入藥用該植物之皮及葉。

【功用】皮作引炎藥。葉治瘡瘍。



【用法】搗爛敷之。

虎掌草 (毛茛)

虎掌草。生於山野中。多年草。高至一二尺。有毛。葉爲單葉。掌狀分裂。夏間從其根出葉之處。抽出花莖。分枝開花。於莖頂。花五瓣。黃或白色。實細小。此植物全部有毒。具苛烈刺戟性。而色黃如乳之汁液。入藥莖葉並用。

【功用】爲發泡藥。能引炎。治水腫及螺疔。

【用法】與鹽數粒同搗。奄患處。最效。水腫。如上法。奄臍上。俟起水泡。以銀針挑破之。

石龍芮

石龍芮。生於水邊濕地。高一二尺。莖中空。葉單葉。互生。掌狀分裂。花小。五瓣。黃色。果爲乾果。橢圓形。攢簇於花托之上。入藥用莖葉。

【功用】爲引炎藥。作發泡劑。

【用法】搗爛敷之。

■獨腳蓮

(鬼燈檠)(天車草)

獨腳蓮生於深山之宿根草。莖高二尺許。葉爲一回掌狀複葉。以五小葉排列如

風車狀。夏月頂端簇生小花。白花微青。入藥根葉並用。

【功用】治疔腫癰疽。

【用法】以根醋酒磨塗。或以葉揉損貼之。

■薤

薤卽胡蔥。生於山野。葉長尺餘。與韭相似而圓。開白帶紫色小花。入藥用根。

【功用】能發散。解表。健胃。開膈。

【用量及用法】每以七個至十四個。搗碎。泡飲。

■白屈菜

白屈菜。生於山野中。多年生草。莖脆弱。高至二三尺。斷之則有黃色之汁液。葉羽

狀複葉。小葉有缺刻。互生。上面黃綠色。下面白色。有毛。花有長柄。四瓣黃色。果實如角。入藥根莖葉俱可用。

【功用】治胃癆。

【用量及服法】乾葉五分至八分。水煎服。

## 收斂藥

### 芙蓉

芙蓉。觀賞植物。多栽於庭園。春間生葉如楮。莖高六七尺。花有純紅、純白、淡紅、各種。入藥用木皮及根。

【功用】根治癰疽、發背、乳癰、惡瘡。皮治帶下。

【用量及用法】治瘡。無論已成未成。用根皮生研。入蜂蜜。調塗於腫之四圍。中間留孔。乾則頻換。帶下。以皮三錢至五錢。水煎服。

■ 地蜈蚣

地蜈蚣生於山野。葉狀如瓜子。面有白毛。對生。根莖貼生地面。入藥用葉。

【功用】治金瘡出血。

【用法】以齒咬損。貼患處。

■ 摘摘莓

(木莓) (懸鉤子)

摘摘莓生於山野。莖高四五尺。葉圓。或有分裂。有鋸齒。花白色。結果呈紅花。如有多數之小肉果合成。山村小兒多採食之。入藥用根。味苦而澀。

【功用】性收斂。治久痢。流疽。

【用量及服法】鮮用五錢至一兩。水煎服。

■ 刀傷草

刀傷草生於高原。莖長一二尺。葉如梅葉。經冬不凋。入藥用葉。

【功用】治刀傷。

【用量及用法】採葉二三片。揉熟貼之。

▣ 槲樹皮

槲樹俗名柴樹。其子名柴子。生於山野。落葉樹。葉長橢圓形。子有碗狀之殼。斗入

藥用該樹之皮。

【功用】收斂止血。治久痢。白帶。牙齦潰爛。

【用量及用法】內服四錢至八錢。水煎服。外用黃汁洗滌。或含漱。

▣ 石榴皮

石榴皮。即石榴果上之皮。鮮乾俱可用。

【功用】治久泄。盜汗。喉症。

【用量及用法】乾皮一二錢。水煎服。外用薑汁漱口。

▣ 木槿

木槿。人家多栽培。以作籬籬。落葉灌木。高至七八尺。葉卵形。有缺刻。各楔狀。七八

月間開花。紫紅或白。有單瓣。複瓣。結蒴果。其木扦插即活。不開花結實者。曰雄木。槿。入藥用該樹之根皮。或根之全部。

【功用】性收斂。止血。治久痢。白帶。腸風下血。雄木槿根。治肺癰。

【用量及服法】根皮五錢至一兩。根一兩至二兩。水煎服。

### 龍芽草

龍芽草。生於山地。葉有缺刻。莖長二三尺。秋初開黃色小花。入藥用該草之全部。

【功用】治赤白痢。及咯血吐血等症。

【用量及服法】每用三錢至六錢。水煎服。

### 薊

薊有大薊小薊二種。生於山野。莖淡綠。高二三尺。葉深綠色。大而有鋸齒。其鋸齒之端有刺。花如紅花。有紫白二色。入藥大薊小薊並用。

【功用】治吐血。衄血。下血。並治腫毒。

【用量及用法】乾用。四錢至六錢。水煎服。外用棕根葉搗塗。

### □ 椶櫚皮

椶櫚栽培甚多。葉如車輪。葉柄下部有絲狀物結合成張。包於木上。八月開花黃色。十月結實。入藥用皮。

【功用】止血。治婦人血崩。

【用量及用法】炒成炭。研末。淡酒沖服三錢。如鼻血。可以此末啗之。

### □ 水蘇

水蘇。生於濕地。全體頗似紫蘇。莖方中空。葉似紫蘇而稍長。有細鋸齒。葉皺色青。對生氣甚辛烈。七八月頃開成穗之花。淡紅色。穗中有細子。入藥莖葉並用。

【功用】治吐血。衄血。下血。血淋等症。

【用量及服法】陰乾。五錢至一兩。水煎服。

### □ 捲牛兒

牻牛兒。生於山野。春時自宿根抽苗。莖細長有節。蔓延於地上。長達四五尺。葉掌狀分裂。裂數自三至五葉。面有紫黑色之斑點。葉柄長對生。夏間葉間抽枝。生花。多以二花集生。花似梅而小。白色。或紅紫色。花後結長蒴。熟則五裂。散出種子。入藥莖葉並用。

【功用】鮮用治切傷。乾用治痢疾。

【用量及服法】鮮用、揉潰敷。乾用、三錢至八錢。作煎劑。

■ 無花果

無花果。爲果樹園藝之一。莖高十餘尺。葉大而糙。或三裂。或五裂。夏月開花。花單性。隱於倒卵形囊狀之總花托內。總花托綠色。著生於新枝之葉腋。果實爲肉果。倒卵形。長寸餘。至盛夏或秋季成熟。色有紫色。綠色。白色。各種。入藥用果實及葉。

【功用】果實、潤腸助消化。葉、收斂退熱。治痔瘡。



【用量及用法】果實作食品。葉煎汁熏洗。

### ■冬青

冬青爲常綠喬木。生於山地。葉互生。卵形。全邊而尖。其質厚。有光澤。夏月開花。花小。黃白色。雌雄異株。子圓形赤色。入藥用根皮。

【功用】治月經過多。赤白帶下。

【用量及服法】鮮用八錢至一兩。作煎劑。

### ■雞冠

雞冠。多栽培庭園。爲觀賞植物。一年草。莖高二三尺。赤色或黃綠色。葉互生。披針形。花有紅黃等色。形似雞冠。莖葉及花均入藥。

【功用】治吐血。下血。及痔瘡。

【用量及服法】鮮用八錢至一兩五錢。作煎劑。

### ■南連

南連。生於山野。宿根草。二月發苗。莖葉與羊蹄無異。但甚短小。四月抽莖。高尺許。花細成穗。結實初青後紅。子藏稜中。夏至後枯萎。入藥用根。

【功用】治血痢。

【用量及服法】切片。炒成炭。每用一二錢。水煎服。

■ 白雲英

白雲英。生於田野。越年草本。莖塌於地上。葉爲羽狀複葉。小葉全邊。春月抽出長花軸。翹然直立。頂端著以短總狀花序。如繖形花冠。白色。子爲莢。呈黑色。入藥用花。

【功用】治吐血。咯血。下血。

【用量及服法】每用二三十朵。水煎服。

■ 白躑躅 (白杜鵑)

白躑躅。生於山野之小灌木。葉倒長卵形。或倒披針形。枝葉間有毛茸。四五月間

開花白色。花冠如漏斗狀。邊緣五裂而深。雄蕊五。雌蕊一。萼片頗小。可作觀賞之用。入藥用花。

【功用】治咯血。吐血。下血。

【用量及服法】每以花十朵至十五朵。水煎服。

### ■翻白草

翻白草。生於原野。多年生草本。地下有塊根。春初佈地叢生。羽狀複葉。各小葉緣邊有鋸齒。葉背及葉柄多白毛。春間抽莖一尺餘。開花黃色。塊根供食用。入藥莖葉並用。

【功用】爲收斂藥。治下血。及婦人漏下。

【用量及服法】每用三錢至五錢。水煎服。

### 臭椿皮 (樗白皮)

臭椿爲落葉喬木。高數丈。葉頗大。互生。奇數。一回羽狀複葉。長二三尺。小葉甚多。

夏日開花。花小。白色帶綠。果實爲翅果。膜質如線。中間含一種子。入藥用該樹之皮。

【功用】爲收斂藥。治血痢。療婦人白帶。

【用量及服法】每用四錢至八錢。水煎服。

### 蓮蓬殼

蓮蓬殼。一名蓮房。卽蓮採收果實後。而廢棄之子房。曬乾用。

【功用】作收斂藥。治泄利下血。療乳頭開裂。

【用量及用法】每用一枚。水煎。加紅糖適宜。俟溶化後服之。乳裂。炒研爲末。外敷。

### 白石榴花

白石榴花。卽石榴花之白色者。

【功用】爲收斂藥。治下痢。

【用量及服法】每用五朵至七朵。水煎服。

■ 白蘊豆花

白蘊豆花。卽蘊豆花之色白者。亦卽白蘊豆之花。

【功用】治赤白下痢。

【用量及服法】乾用。二錢至三錢。水煎服。

■ 茄根

茄根。卽蔬品之茄。採其根部。曬乾用。

【功用】性收斂。治赤白下痢。

【用量及服法】每用三錢至五錢。水煎服。

■ 紅藤

紅藤。一名省藤。藤本。莖細而長。倚於他木上。有長至數百尺者。但其周圍。不過四五寸。葉長。爲羽狀複葉。自許多小葉成。入藥用莖。

【功用】作收斂藥。治婦人月經過多。及痛經。療血痢、腸癰。

【用量及服法】每以三錢至五錢。水煎服。

夏枯草

夏枯草。生於山野。草本。莖方。高至一尺餘。葉長卵形。有葉柄。對生。葉與莖俱有毛。茸。六月間開花。生於莖之頂端。紫色。入藥用莖葉及花。

【功用】爲收斂藥。及變質藥。止瀉利。治瘰癧。

【用量及服法】每用三錢至五錢。水煎服。

土牛膝

土牛膝。生於原野。高三四尺。莖方。有膨大之節。葉橢圓形。或長卵形。對生。夏間開花。小苞細長。其狀如針。綠色。花後結實。有刺。易附着於衣服。入藥用根。

【功用】爲收斂藥。及利尿藥。清血消毒。治喉症。

【用量及用法】鮮用以五錢至一兩。水煎服。喉症搗汁漱口。

## 變質藥

### ■芭蕉根

芭蕉。多年生草。本高八九尺。春末抽葉。葉大。長橢圓形。中肋之兩側。有平行脈。夏月。葉心橫出花軸。其苞形大。花簇生於苞腋。果質肉質。長形。多栽培庭園。以供觀賞。入藥用根。

【功用】清血毒。治瘰癧。

【用量及服法】鮮用二三兩。水煎服。

### ■松蘿 (金線草)

松蘿。生於深山之樹梢。爲淡黃色之絲狀物。長二三尺。下垂。有分歧甚多。

【功用】治瘰癧。

【用量及服法】每用二三錢。水煎服。

□ 菝葜 (紅梗刺根)

菝葜。生於山野爲多年生植物。莖上有刺。葉互生。卵圓形。有托葉。葉下有卷鬚。以纏繞他植物上。花黃綠色。入藥用根。

【功用】清血毒。治微瘡。

【用量及服法】鮮用二兩至四兩。水煎服。

□ 蒲包草 (鬼蠟燭)

蒲包草。生於水澤。葉如野菰。秋間結實。宛與蠟燭相似。有詩云。風搖無弄影。煤具不燃煙。人採其實。以治金刃傷。

【功用】實能止血。根葉治瘰癧。

【用量及用法】實外竈。根葉鮮用二三兩。水煎服。

□ 山海螺

山海螺。生於溪澗濱濕地上。葉五瓣。附莖而生。根如狼毒。皮有皺旋紋。與海螺相



似秋後結子扁圓。旁有四葉護之。入藥用根。

【功用】治腫毒瘰癧。楊梅惡瘡。腸癰便毒等症。

【用量及服法】搗汁一小杯。以熱黃酒沖入服之。

鐵烏鈴（鐵鈴草）

鐵烏鈴其本青黑色。葉梗根堅實如鐵。其汁黑。可染鬚髮。入藥根葉莖並用。

【功用】治楊梅惡瘡。大風癱瘓。

【用量及服法】鮮用一二兩。水煎服。

遺糧（山歸來）（土茯苓）

遺糧。生於山野。藤本。春月延蔓。葉長形而厚。有光澤。葉下有卷鬚。葉腋出花梗。開花十餘。色紫紅或綠。實圓。色黑。入藥。採用其塊根。

【功用】清血毒。治楊梅惡瘡。

【用量】鮮根一兩至二兩。水煎服。

■ 龍鬚草 (石龍芻)

龍鬚草。生於低溼之地。莖細圓如鬚。下部有鱗片之小葉。高一二尺。夏間開綠色小花。莖極似燈芯草而少短。入藥莖葉並用。

【功用】清血毒。治結核瘰癧。

【用量及用法】鮮用二兩至三兩。搗汁服。並外塗之。

防腐消毒藥

■ 三白草

三白草。生於濕地。莖長二三尺。葉圓而尖。初抽青色。後變白色。或一葉有青白二色。春季開小白花。入藥用葉。

【功用】治人咬成瘡。

【用法】取鮮葉揉損貼之。

## ■ 半支蓮

半支蓮。生於溪邊石砌等處。有青紅二種。青者葉尖。紅者葉團。葉厚有肉。莖長六七寸。初夏開小黃花。入藥用莖葉。

【功用】治疔瘡。

【用量及用法】內服五錢至一兩。水煎服。外用。加食鹽少許。搗爛貼之。

## ■ 蝴蝶花根

蝴蝶花。爲觀賞植物。多年生常綠草本。莖高一二尺。葉劍狀。淡綠色。夏日開花如蝴蝶。白色或紫色。中心黃色。入藥用根。

【功用】治咽喉腫痛。

【用量及用法】採根搗汁漱口。

## ■ 九頭青

九頭青。爲藤本植物。莖長一尺餘。葉如桃葉。生於山野間。入藥用葉。

【功用】治毒蛇咬傷

【用量及用法】採葉揉爛貼之。

萬年青

萬年青爲觀賞植物。人多栽培之。常綠草。本葉業生。長尺餘。自地下莖叢生。春夏之間抽莖開花。莖長二三寸。花白色攢簇而生。果實球形如豆。赤色。入藥用根。

【功用】治喉症。凡一切爛喉。喉蛾。喉痺。俱有效。

【用法】以根加醋少許。取汁漱之。

虎耳草 (天荷葉) (石荷葉)

虎掌草。人多栽植於花砌石罅及背陰之處。其葉似荷錢。而有紅白線繚繞其上。三四月間開細小白花。入藥用葉。

【功用】治小兒耳瘡及天庖瘡。

【用法】搗汁滴入耳內。或塗布。

### 水仙

水仙球根植物。春初抽葉。莖高尺餘。莖頂開黃白色之花。供觀賞之用。根有毒。但

能防腐消毒。故入藥用。

【功用】治癰疽腫毒惡瘡。

【用法】加鹽搗爛。貼患處。

### 雪裏金丹

雪裏金丹生於山野。球根多年草。葉如韭。冬月開黃色小花。入藥用根。

【功用】治喉症。

【用量及服法】用根七至十四球。煎汁漱口。

### 景天

景天。宿根草。葉互生。橢圓形。其色白綠。表裏如塗有白粉。且肉厚多漿。莖頭開細

小成簇之白花入藥用葉

【功用】治瘡腫吸膿甚效。

【用法】將鮮葉剝去薄皮貼之。

■鴨跖草 (竹節草)

鴨跖草。生於卑濕之地。三四月間抽苗。莖紫色。葉如竹而柔軟。花碧色。蛾形。而葉似翼。結角尖曲如鳥喙。角中之子大如小豆。入藥用葉與花。

【功用】治瘡腫。

【用法】採花與葉搗爛。罨之。或取汁塗布。

玉簪花

玉簪花。觀賞植物。多栽培庭園。葉似車前。大而柔軟。三四月間生葉。高一尺內外。七八月抽莖開花。長形如簪。入藥用根。

【功用】治癰腫。

【用法】搗汁塗之。

### ■紫荊

紫荊多栽培庭園。落葉喬木。高丈餘。葉圓形而尖。春月先葉節節攢簇生花。花爲蝶形。花冠紅紫色。果實爲莢。入藥用木皮。

【功用】治癰疽及獬犬咬傷。

【用法】研末。以黃酒或砂糖調塗。

### ■蓼

蓼生於濕地。葉狹。綠或紫色。花開蓓蕾而細。長二三寸。枝枝下垂。入藥用花與葉。

【功用】治脚氣。

【用法】煎湯洗之。

### ■金剪刀

金剪刀產於山野。爲單子葉植物。莖長尺餘。冬月凋落。入藥用根及莖。

【功用】治咽喉病。

【用法】取根及莖搗汁含漱。

■ 蛇莓

蛇莓。生於山野。多年草。莖匍匐地上。長二三尺。葉有微毛而不滑。小葉三片。緣邊如生粗鋸齒。葉互生。柄長。春夏間由葉腋抽花。有長花梗。萼外有苞花瓣。五片。黃色。雄蕊約二十枚。雌蕊甚多。果實細小。熟時花把膨脹呈赤色。此植物有毒。入藥莖葉並用。

【功用】治疔瘡。療目生蟹睛。

【用法】俗稱疔瘡藥。搗敷頗效。治目。揉爛塞入鼻孔。

■ 五爪龍 (烏斨莓)

五爪龍。蔓生。夏日繁茂。莖有卷鬚。藉以卷絡他物而上。葉爲掌狀複葉。自五小葉合成。葉腋抽花。莖開黃綠色。四瓣之小花。花盤黃赤色。入藥用葉。



【功用】治諸瘡潰爛。

【用法】揉損貼患處。

天青地白草 (野苧麻)

天青地白草生於山野。立春後生苗。長二三尺。葉圓而尖。有鋸齒。色面青背白。有

麻紋。結子細碎。根搗之有滑涎。入藥用根。

【功用】能活血止血。發散。止渴。通蠱脹。外用治諸毒。及小兒丹毒。

【用量及用法】內服。以根一二兩。水煎。加黃酒溫服。外用。以根搗取滑涎。塗布。

狗尾草 (莠) (光明草)

狗尾草。生於山野。一年生草。本高二三尺。莖葉穗均似粟而小。有綠色之芒。至夏秋之季。種子成熟。其形似稗。可採取為製酒原料。入藥用莖。

【功用】治目痛。

【用量及用法】每以一二兩。水煎服。或煎湯薰洗。

■金豆子 (草決明)

金豆子。生於平野。一年草。三月生苗。長二三尺。葉如槐而少大。處暑時開小黃花。莢似綠豆而扁。入藥用葉及子。

【功用】治療腫及目痛。

【用量及用法】以葉鮮搗。或加醋敷之。目痛。以子三錢至五錢。水煎服。

■半嬌紅 (水雞冠)

半嬌紅。生於平野。或濕地。立夏後生苗。一莖直上。葉長狹而尖。花生莖頂。紅色。入藥莖葉並用。

【功用】治風痺跌撲。

【用量及服法】每用一兩至一兩五錢。水煎服。

■野葶薺

野苧薺生於田野。宿根草。春月抽苗。葉圓而細。葉上有光澤。其根如苧薺而小。年久者稍大。入藥用根。

【功用】能去面黝斑痣。治目星努肉。

【用法】治面病。搗汁塗布。治目疾。取汁點之。或取其澱粉配合目藥。

### ■ 白茄蒂

白茄。園圃栽培。一年草。高二三尺。葉橢圓形。或卵形。互生。花合瓣。花冠花與果實俱白色。入藥用果實之蒂。

【功用】治發背。及一切癰毒初起。

【用量及服法】每以十四個至二十一個。水酒各半煎服。

### ■ 馬藺根

馬藺。山野自生。多年草。高二三尺。葉長卵形而尖。粗糙。有鋸齒。互生。秋後枝梢開花。紫色。其嫩葉可供食用。入藥用根。

【功用】治咽喉諸病。

【用法】以鮮根搗汁漱之。

金鎖銀開

金鎖銀開生於陰溼之處。多年草。葉爲複葉。由多數之小葉集成。莖長二三尺。根部膨大如壘丸。入藥用根。

【功用】治喉蛾、喉痺及一切喉症。

【用量及用法】乾用。每以三四錢。水煎服。又以鮮根搗取汁漱之。

蒼耳草

蒼耳草生於山野。一年生草本。莖高三四尺。葉卵形而尖。有缺劑及鋸齒。粗糙。夏日稍上開小花。帶綠色。秋間結實。比桑椹短而多刺。入葉莖葉及子實俱可用。

【功用】治大麻瘋。及瘡瘡疔毒。

【用量及用法】以莖葉二兩。水煎服。或熬膏。日服一二瓢羹。鮮葉搗如泥。塗一切瘡瘍。子實二錢至五錢。水煎服之。治疔毒甚效。

### 石巖薑

石巖薑。生於巖石或老樹上。其地下莖如薑。全體有棕色之毛茸。葉橫生於根莖。貼於地上。綠色。狀如石葦而較短。入藥用根。

【功用】治齒痛。及髮癬。

【用量及用法】齒痛。鮮用去毛茸。以五錢至八錢。水煎服。髮癬。燒酒浸汁塗之。

### 烏扇

烏扇。生於山野。葉長一尺內外。有平行脈。集生如扇。夏秋莖頂開花。黃色。結實如豌豆。大黑色。入藥用根。

【功用】治喉症。

【用量及服法】鮮用三錢至六錢。水煎服。

## 雜藥

### 棉花根

棉花根。卽採取棉花之根部。鮮乾俱可入藥。

【功用】催生。

【用量及服法】鮮用一兩至二兩（乾用減半）水煎服。

### 地蘇木 （過山龍）（茜草）

地蘇木。生於山野。春季生苗。蔓延。莖中空。葉爲卵形。一節輪生四葉。莖葉俱有刺。初秋開淡黃色成簇之小花。入藥用苗或根。

【功用】能通月經。

【用量及服法】苗鮮用五錢。根四錢至八錢。水煎服。

### 刀豆根

刀豆栽培於園圃。一年生蔓草。常纏繞於他物上。葉大複葉。自三小葉成。花爲蝶形花冠。青紫色。果實爲莢。果長大而扁平。含大種子。其種子有紅白二色。其嫩莢可醃藏。白色者則收其成實。供煑食之用。入藥用根。

【功用】治頭風。

【用量及服法】每用五錢。水煎服。或沖入黃酒一盃服之。

### ■ 芝麻殼

芝麻殼。卽油蠟植物之芝麻。採用其種子之外殼也。

【功用】治半身不遂。

【用量及服法】每用五錢至八錢。酒水各半煎服。取汗。

### ■ 千里光

千里光。生於山野。宿根草。立夏抽苗。一莖直上。高數尺。葉類菊。互生。秋開黃花。入藥莖葉並用。

【功用】治目光不清。迎風流淚。

【用法】煎湯薰洗。

■ 葶草

葶草。生於平野。其形如蓼。莖高五六尺。莖與葉密生毛茸。葉大卵形而尖。葉柄長。秋間枝頭開花。紅色如穗。入藥莖葉並用。

【功用】治疝氣。

【用量及服法】乾用三四錢。水煎服。

■ 馬齒莧 (豆板菜)

馬齒莧。生於園圃中。葉厚有肉。倒卵形。赤青色。莖橫臥地上。夏日枝梢開花。五瓣黃色。入藥莖葉並用。

【功用】治痢疾。

【用量及服法】鮮用一兩至二兩。水煎服。



■ 杉木節

杉木節卽杉木之枝幹上。生有隆起。其狀如節者。其木皮亦可用。

【功用】治諸瘡脚氣及痞塊

【用量及用法】每以節一二個。剖開。或皮二兩。水煎洗之。

■ 青箱花 (筆頭花)

青箱花。生於山野。一年生草本。其狀如雞冠花。花小尖形。色淡紅。入藥用花。

【功用】治目痛

【用量及服法】每用三錢至五錢。水煎服。

■ 繁縷

繁縷。蔓生地上。莖細長。自五六寸以至二尺。廣卵形。平滑。早春至夏。開白色五瓣

細小之花。入藥用莖葉。

【功用】治乳閉

【用量及服法】鮮用一兩至二兩 水煎服。

■ 貓兒刺

貓兒刺。木本。山野自生。葉光滑有刺。夏間開小而青黃色之花。秋季結實。紅色。入

藥用嫩葉

【功用】治乳吹

【用量及服法】鮮用一兩。水煎加酒服。乾用。焙搗成末。黃酒送下。

■ 牛旁

牛旁。栽培園圃。其根供食用。莖高四五尺。根粗。長至一尺餘。葉心臟形。有長葉柄。

花及種子俱有棘刺。入藥用葉。

【功用】治橫痃

【用量及服法】搗汁塗之。或鮮用一兩至二兩。水煎服。

■ 野葡萄根

野葡萄。其植物全部與葡萄相同。但俱弱小。入藥用根。

【功用】治風痺骨痛。

【用量及服法】以根八兩。燒酒十六兩。浸七日。一日數回。每回飲一小杯。

### 蒲公英

蒲公英。生於山野。多年草。莖高七八寸。汁液如乳。葉自根部抽出。叢生。倒披針形。葉緣有大鋸齒。向下。春月。花莖自葉叢間抽出。頂上着花深黃色。結子有白色冠毛。根葉及花供藥用。

【功用】能解毒消熱。治乳癰及疔腫惡瘡。

【用量及服法】每以三五錢。水煎服。

### 伸筋草 (寬經草)

伸筋草。生於山野。莖細長如蔓。匍匐地上。處處生根。長至數尺。有許多之枝。分歧爲數條。葉小。細長而尖。如鱗片狀。密生於莖上。入藥莖葉並用。

【功用】治風痺筋絡不舒。

【用量及服法】每用三錢至五錢。水煎服。

# 草藥新纂目次

## 下篇 草藥處方

### 【傳染病】

傷寒 溫病 霍亂 赤痢 瘧疾 麻疹  
腳氣 淋病 梅毒 橫痃 癘風 丹毒

### 【呼吸器病】

感冒 鼻疳 衄血 喉痛 喉蛾 咳嗽 喘息 肺癆 肺脹 肺痿 肺癰  
咯血 肋膜炎

### 【消化器病】

口腔炎 齒痛 傷食 溜飲 胃弱 胃痛 胃癱 胃瀉 腸癰 下血 脹滿  
疝痛 便秘 下利 蟲病

### 【全身病】

風濕骨痛 黃疸

### 【神經系病】

中風 癲癇 頭痛 中暑 神經衰弱 眩暈 呃逆

### 【循環器病】

真心痛

### 【排尿器病】

遺尿 白濁 小便不通 遺精 陰痿

草藥新纂 目次

二

【五官器病】 眼病 耳病 面病

【皮膚病】 疥癬 痱疹 髮癬

【婦人科病】 月經病 血崩 白帶 胎前產後 乳閉 乳裂 乳吹 乳癰 癰瘡

【小兒科病】 驚癇 胎毒 疳疾

【外科諸病】 癰疽 疔瘡 瘰癧 痔瘡 切傷或咬傷刺傷及跌撲火泡凍傷諸症

# 草藥新纂

張若霞編

## 下編 草藥處方

### 傳染病

#### □傷寒

傷寒、頭痛項強。壯熱惡寒。煩渴。四肢倦怠。

土荊芥三錢

杜蘅一錢五分

紅茶一撮

葱白五寸

右水煎服。

傷寒、痰涎壅盛。神昏不語。或發狂。

石菖根一錢五分

蕨根五錢

水蘆根一兩

右水煎服。

傷寒、熱甚。

蕨根一兩

右水煎服。

【又方】

大青葉五錢

水蘆根一兩

右水煎服。

傷寒、大便不通。

槐葉四錢 生蜜二兩

右先以槐葉水煎。入蜜溫服。

傷寒、胃中不利。心下痞鞭。乾噫。

石見穿 金寄奴 遍地香各三錢 薤白頭七個

右水煎服。



傷寒、小便不利。或浮腫。

車前草根

薏苡根各一兩

生薑皮一錢

右水煎服。

傷寒、下泄。

土藿香

金寄奴各三錢

土毒木香

苦橘皮各一錢五分

右水煎服。

傷寒、咳嗽。

錦葵根五錢

階前草根

淡竹葉根各八錢

右水煎服。

### ■ 溫病

溫病、不論春溫。冬溫。濕溫。溫疫。凡惡寒發熱。頭痛。

土薄荷 馬鞭草 桑葉 土荆芥各三錢 杜蘅一錢 生薑一片 紅茶 一撮

右水煎服。

【又方】 土薄荷三錢 葱白 五寸

右水煎服。

溫病、大渴引飲。目赤面紅。

忍冬 階前草根 蕨根 土薄荷各三錢 水燈心一錢

右水煎服。

溫病、狂熱。神志昏悶。煩渴引飲。

菰筍 水蘆根各一兩 忍冬 淡竹葉 階前草根各三錢 石菖根 水燈心

各一錢五分

右水煎服。

溫病、熱渴欲飲。小便不利。

薏苡根 車前根 葶薺根各五錢 水燈心一錢五分

右水煎服。

溫病、如類瘧者。

金寄奴 馬鞭草 常春藤各三錢 土地骨皮五錢

右水煎服。

溫病、日久體弱。潮熱。或盜汗。

土地骨皮 階前草根各五錢 平地木 黑大豆各三錢

右水煎服。

### ■霍亂

霍亂、初起。腹脇脹痛。欲吐不吐。欲瀉不瀉。心胸悶亂。不可忍者。

樟根二兩 土藿香一兩五錢

右以沸水二升。泡取汁。乘熱。以手巾浸溼。置腹脅上。頻換。

【又方】 石見穿 土藿香各三錢 杜蘅一錢五分 生薑一片  
右水煎服。

【又方】 爛甘草 土藿香各三錢

右水煎服。

【又方】 五香草三錢

右沸水泡取汁服之。

霍亂吐瀉交作。腹痛。心下痞。

金寄奴 土藿香 石見穿各三錢 大蒜梗五寸 生薑一斤

右水煎服。

霍亂吐利。嘔惡腹痛。虛冷出汗。甚至癘螺轉筋者。

野朮 石菖根各二錢 土藿香 鶯粟殼各三錢 杜蘅一錢五分 生薑三片

右水煎服。

霍亂因暑熱而吐瀉腹痛者。

香草腦七個 大蒜梗七寸 杜蘅一錢五分

右水煎服。

霍亂吐利因冷熱不調或食品不潔者。

土藿香 金寄奴各三錢 土青木香 杜蘅各一錢五分 香草腦七個

右水煎服。

### ■赤痢

積熱下痢。裏急後重。

蜀葵根五錢 石菖根一錢五分 槐葉三錢 馬齒莧一兩

右水煎服。

【方】 攏牛兒五錢

右水煎服。

下痢赤白

鴨跖草 馬鞭草 石榴皮各三錢

右水煎服。

【又方】 石見穿三錢 土青木香一錢五分

右水煎服。

赤白痢。裏急後重。小便不利。

檳皮 木槿皮 鴨跖草各四錢 車前草一兩

右水煎服。

下痢赤白。不問新久長幼。俱可服。

龍芽草 薺菜花 櫻櫚皮 各三錢 馬齒莧一兩

右水煎服。

膿血瀉痢。次數頻多。腹痛欲絕。

遍地香 鴨跖草 槐葉各三錢 蜀葵根 刀豆根各五錢

右水煎服。

血痢。

南連二錢(炒成炭)

右水煎。加紅糖適宜服之。

痢疾腹痛。

白頭翁 薺菜花各三錢

右水煎服。

白痢、內熱者。

遍地香 蕨根 龍芽草各三錢 荷葉蒂七個

右水煎服。

腸胃虛弱。下痢赤白。或如膿血。或如魚腦。日久不愈者。

石榴皮 香椽皮 金背茶匙 白藕豆花 刀豆殼各三錢

右水煎服。

久痢不止。

檉皮 茄根各四錢 薺菜花 石榴皮各二錢 龍芽草三錢

右水煎服。

【又方】 臭椿皮五錢

右水煎。加紅糖適量。服之。

【又方】 摘摘莓根一兩

右水煎服。



【又方】木槿根皮一兩

右水煎服。

■瘡疾

瘡疾、初起無汗。

杜蘅一錢五分

土荆芥

馬鞭草各三錢

生薑三片

葱白五寸

右水煎服。

瘡疾、不拘日發。間日發。或四日兩頭。

蜀漆 常春藤

金寄奴各三錢

土地骨皮四錢

紅棗五枚

生薑三片

右水煎服。

瘡疾、無間熱多寒少。或寒多熱少。及不服水土。山嵐瘴氣。寒熱如瘧。

土地骨皮五錢

常春藤

石見穿

蜀漆各三錢

蒜梗七寸

右水煎服。

久瘡不止。或體虛。或失忌。或早截者。

平地木 蜀漆各三錢 土地骨皮六錢

金背茶匙一錢五分

右水煎服。

## 麻疹

麻疹初起。未透者。

浮萍一錢 土荆芥二錢

右水煎服。

麻疹已透。身熱。或咳嗽者。

鳳尾草 檉柳 天青地白草各二錢 土地骨皮三錢

右水煎服。

麻疹。熱甚咽痛。或口舌生瘡。

階前草根

淡竹葉各四錢

天青地白草三錢

柞枝七寸

右水煎服。

■脚氣

脚氣。脾停氣滯。頭面虛浮。四肢腫滿。

土地骨皮四錢

慧苴根

車前草根

摘梅條各一兩

薑皮一錢五分

右水煎服。

【又方】 蓼葉二兩

右水煎洗。

【又方】 杉木節二兩

右煎湯洗之。

乾濕脚氣。風寒濕痺。

松節 櫻欄根 菝葜各四錢 夜合皮三錢

右水煎服。

【又方】 雞鴨脚艾四錢 水燈心一錢

右水煎服。

【又方】 野薔薇子五錢

右水煎服。

脚氣衝心。

玉蜀黍根八錢 石見穿 槐葉各三錢 黑牽牛子一錢

右水煎服。

脚氣濕痺。麻木不仁。或膝腿疼痛。

浮萍 伸筋草各三錢 石菖根一錢五分 松節三錢

右水煎服。

脚氣、脇下有塊。堅如石。上塞氣促。

馬鞭草 香椽皮 石見穿 土地骨皮 各三錢

右水煎服。

脚氣痺症。二便秘塞。

槐葉 玉餛飩葉各三錢 黑牽牛(杵)一錢 生蜜一兩(沖)

右水煎服。

### ■淋病

淋病初起。

酸斑莧 夏枯草苗各三錢 車前草 土牛膝根各八錢

右水煎服。

【又方】 杜松實(搗)三錢 玉蜀黍根 萱草根各一兩

右水煎服。

淋病。小便秘澁。竅中疼痛。

薏苡根 荸薺根 石韋各八錢 杜松實三錢 水燈心一錢

右水煎服。

【又方】 黃蜀葵根二兩

右水煎服。

淋病。小便數。恆不利。

薏苡根 榆皮 車前草根各一兩 夜合皮 忍冬腦各四錢

右水煎服。

淋病。熱甚。小便滴瀝。莖中痛。

一枝黃花 忍冬腦各一兩 水燈心一錢 韭根四錢

右水煎服。

淋病、小便澁。下膿血者。

一枝黃花三錢

土地骨皮五錢

忍冬腦

韭根各四錢

水燈心一錢

白茅

根八錢

右水煎服。

〔又方〕

松枝皮三錢

營根草一兩五錢

右水煎服。

### 梅毒

梅毒、下疳腐爛。不論新久。

仙遺糧

菝葜各一兩五錢

忍冬腦六錢

野薔薇根

土地骨皮各五錢

荆芥三錢

土地骨皮五錢

右水煎服。

梅毒傳染。數日延綿不已。并發風毒。

芭蕉根

菝葜

仙遺糧各一兩

土地骨皮

土荆芥

土牛膝各三錢

右水煎服。

梅毒。遍發結毒。筋骨疼痛。

土荆芥三錢

柳枝皮八錢

土牛膝六錢

仙遺糧一兩

忍冬五錢

右水煎服。

梅毒。鼻梁爛陷。陽物陰蝕。

芭蕉根

仙遺糧各一兩

忍冬腦

野菊根各五錢

槐枝四錢

薏苡根一兩

二錢

右水煎服。

橫痃



橫痃、魚口便毒。騎馬癰。

忍冬腦 土荆芥各四錢

仙遺糧

牛旁根

芭蕉根各一兩

土牛膝根六

錢 水燈心一錢五分

右水煎服。

【又方】 牛旁葉二兩

右搗敷。或水煎服之。

橫痃、內蘊邪熱。外挾風寒。精血交滯。腫結疼痛。

土荆芥 馬鞭草各三錢

忍冬五錢

蕨根

仙遺糧各一兩

水燈心一錢五分

柳枝二尺

右水煎服。

### 癘風（大麻風）

大風癘疫。手足麻木。頭面浮腫。眉毛脫落。皮膚瘙癢。骨節疼痛。

柳枝皮 八錢

土荆芥

苦參

浮萍

大楓子肉(炒)各五錢

石菖根 錢

右研末。煉蜜爲丸。如梧子大。每服三錢。白湯下。日服二次。

大麻風。卽癘風也。

蒼耳草 二兩

右水煎。不斷服之。或熬膏。日服一調羹。

【又方】 鐵烏鈴 一兩

右水煎服。

【又方】 苦參 浮萍 忍冬 各五錢 蒼耳草 一兩

右水煎薰洗。

## 丹毒

丹毒驟發。

天青地白草

右搗取滑汁塗敷。

## 呼吸器病

### ■感冒

感冒初起。惡寒發熱頭痛。

常春藤

土薄荷

土荆芥

野菊腦各三錢

杜蘅一錢五分

生薑一片

葱

白五寸

右水煎服。

【又方】

土荆芥三錢

紅茶二錢

右水煎服。

感冒、惡寒、身熱、頭痛、身體俱痛、骨節不利、無汗、或喘欬者。

桑葉 土荆芥各三錢 蕨根八錢 遍地香二錢 杜蘅 石菖根各一錢五分

右水煎服。

■鼻疳

鼻內壅塞。涕出不已。或氣息不通。或不聞香臭。

野菊葉 馬鞭草 土荆芥 馬藷根各三錢 杜蘅一錢五分

右水煎服。

鼻生疳瘡。

土荆芥 蕨根 忍冬各四錢

右水煎服。

■衄血

鼻血不止。

白茅根三錢

黃精

階前草根

淡竹葉根

欖櫚皮各四錢

右水煎服。

■ 喉痛

積熱。咽喉疼痛。

淡竹葉 忍冬各四錢

蕨根一兩

土荆芥三錢

烏扇根二錢

右水煎服。

【又方】 金剪刀

右搗汁含漱。

【又方】 萬年青根 土牛膝根等分

右搗汁含漱。

喉痺口噤。

馬藷根

右加米醋少許。搗取汁。含漱。

咽喉疼痛。

蝴蝶花根

右搗汁含漱。

■ 喉蛾

喉蛾。發於左、或右者。曰單蛾。左右俱發者。曰雙蛾。

土牛膝根八錢

蕨根一兩

忍冬腦

淡竹葉

各四錢

土荆芥三錢

右水煎服。

喉蛾不拘左右、及雙蛾。熱甚者。

金鎖銀開 土地骨皮 鳳尾草 土荆芥 忍冬各三錢

右水煎服。

【又方】 蕨根一兩 烏扇根二錢

右水煎服。

【又方】 大青葉 土牛膝根

右搗汁含漱。

【又方】 玉簪根

右搗汁含漱。

【又方】 萬年青根

右搗汁含漱。

【又方】 老鴉蒜根

右搗汁含漱。

【又方】 金鎖銀開

右以鮮根搗取汁。漱之。

■咳嗽

初起。風寒作咳。

杜蘅一錢

土薄荷

土荆芥

淡竹葉根各三錢

右水煎服。

胸膈不利。口乾煩熱。時時咳嗽。

錦葵根

階前草根

土荆芥

淡竹葉根各三錢

苦橘皮一錢五分

右水煎服。

【又方】 小草根二錢

階前草根一兩

右水煎服。



咳聲連發。痰逆不出。

土荆芥 鳳尾草 淡竹葉根各三錢

右水煎服。

脾胃虛寒。欬逆嘔吐。

土薄荷 苦橘皮各二錢 石菖根一錢五分 生薑三片

右水煎服。

經年咳痰不止。

平地木 土地骨皮 鳳尾草 金背茶匙 黃精各三錢 魚鼈草二錢

右水煎服。

【又方】 夜關門五錢

右水煎服。

【又方】 南五味子一錢五分 竹節人參五錢

右水煎服。

【又方】 黃精 土人參各五錢

右水煎服。

退熱止咳。消痰停喘。

土地骨皮四錢 階前草根 淡竹葉根 黃精各三錢 鳳尾草 南五味子

各一錢五分

右水煎服。

■喘息

氣喘。

白頭翁二錢

右水煎服。

上氣奔喘。

錦葵根 階前草根各六錢

杜蘅一錢五分

白朮七個

右水煎服。

經年痰喘。不得臥者。

階前草根 淡竹葉根各八錢

土地骨皮四錢

白朮七個

生薑一片

右水煎服。

### 肺癆

癆瘵瘦弱。肺損咳嗽。

平地木 魚鼈草 金背茶匙各三錢

土地骨皮

狼把草

階前草根各四

錢 南燭子二錢

右水煎服。

【又方】 夜關門五錢至一兩

右水煎服。

虛癆欬嗽。有潮熱者。

土地骨皮 淡竹葉根各四錢 虎刺 白茅根各三錢

右水煎服。

肺癆咯血者。

龍芽草 白茅根各三錢 土地骨皮 狼把草各四錢

右水煎服。

肺虛失音。咯血癆損。

望江青一兩

右水煎服。

婦人癆瘵。血耗氣虛。行經不順。

馬鞭草 地蘇木 艾梗各三錢

右水煎服。

### 肺脹

久近肺氣。欬嗽喘息。坐臥不安。痰涎壅塞。唾液稠粘。脚手痺冷。心脅脹痛。

夜合皮 石見穿 土荆芥各三錢 苦橘皮 杜蘅各一錢五分 薑一片

右水煎服。

心胸痞悶。欬嗽不已。胸脅虛脹作痛。

土荆芥 石見穿 階前草根 鳳尾草各三錢

右水煎服。

### 肺痿

久嗽咯血、成肺痿。多吐白沫。

南燭子 平地木 土地骨皮各三錢 階前草根 白茅根各四錢 苦橘皮

生薑皮各一錢五分

右水煎服。

肺痿、骨蒸已成。聲啞不出。體虛自汗。四肢無力。

黃精 土地骨皮 虎刺各四錢 魚鼈草 平地木 南燭子各三錢

右水煎服。

### 肺癰

肺癰。喘息不得臥。

忍冬 淡竹葉根 土荊芥 階前草根 鳳尾草 夏枯草苗 石見穿各  
三錢

右水煎服。

【又方】雄木槿根二兩

右水煎服。

肺癰咳嗽肪痛者。

夜合皮五錢 土荆芥三錢 野芋芳根一兩

右水煎服。

肺癰咯膿血者。

雄木槿根二兩 鳳尾草三錢 野芋芳根一兩 龍芽草四錢

右水煎服。

## 咯血

心肺客熱。欬嗽咯血。

龍芽草 狼把草各三錢 階前草根一兩 茅根五錢 金背茶匙一錢五分

右水煎服。

【又方】 荷包草二兩 魚鼈草三錢

右水煎服。

虛損。唾血咯血。

平地木 椶櫚皮 龍芽草各三錢 錦葵根 淡竹葉根各六錢 土地骨皮

黃精各四錢 魚鼈草一錢五分

右水煎服。

【又方】 龍芽草六錢 紅棗五枚

右水煎服。

【又方】 平地木根一兩

右水煎服。



【又方】黃精一兩

右水煎服。連服一月。

又、并治吐血、下血。

白雲英一錢五分

右水煎服。

【又方】白躑躅一錢五分

右水煎服。

### 肋膜炎

肋痛不快。

土荆芥三錢

柳枝皮

土地骨皮各四錢

階前草根一兩

杜蘅一錢

右水煎服。

## 消化病

### ■ 口腔炎

口舌生瘡。或咽痛者。

土荆芥 忍冬各三錢 大青五錢

右水煎服。

口中糜爛。

野薔薇根

右煎汁含漱。

口舌生瘡。或心臟實熱。口乾煩渴。

土荆芥 土牛膝 忍冬各三錢 土地骨皮四錢

右水煎服。

【又方】土牛膝 忍冬各三錢

右水煎取汁含漱。

齒痛

齒痛。因熱。或蟲。或動搖。或牙齦潰爛者。

土荆芥 淡竹葉 土牛膝根 黃荆根 土地骨皮各三錢

石巖薑 階

前草根各五錢 杜蘅一錢

右水煎服。

牙齦潰爛。

檉樹皮一兩

右煎汁含漱。

牙齒疼痛。

杜蘅 僧鞋菊根 土薄荷 花椒 等分  
右鮮者。生搗取汁塗之。乾者。研末敷之。

傷食

飲食過度。胸膈不舒、或痛。

石見穿 金寄奴各三錢 香椽皮 石菖根各一錢五分 香草腦七個 生薑  
一片

右水煎服。

多食不化。噫氣欲吐。

遍地香二錢 杜蘅 石菖根 土青木香各一錢五分

右水煎服。

【又方】 野菊花 郁李皮各三錢 生薑三片

右水煎服。

■溜飲

溜飲、嘈雜悶亂。

土青木香 石菖根各一錢五分 石見穿 土藿香各三錢 苦橘皮一錢

右水煎服。

嘔吐反胃。嘈雜吞酸。痞悶噎膈。

金寄奴 石見穿 蒲公英各三錢 土薄荷 石菖根 各一錢五分 生薑一

片

右水煎服。

■胃弱

脾胃不和。飲食不化。

石菖根 土青木香各一錢五分 金寄奴三錢 生薑一片

右水煎服。

【又方】野菊花 石菖根各一錢五分

右水煎服。

■胃痛

胃痛及腹痛。

石見穿 金寄奴各三錢 土青木香 樟根各一錢五分

右水煎服。

【又方】馬蹄香一錢五分 生薑三片

右水煎服。

積聚胃痛。胸膈痞悶。腹痛下利。惡心惡阻。傷食噎氣。

蒔蘿子 土青木香 樟根各一錢五分 土藿香 石見穿 刀豆殼各三錢

香草腦七個

右水煎服。

■胃癰

中腕伏熱。吐逆痞悶。漸爲胃癰。

蒲公英 野菊根 馬鞭草 金寄奴 土薄荷 石見穿各三錢

右水煎服。

■胃瘕

胃痛久則成瘕。

白屈菜八分 蒲公英 刀豆殼各三錢  
右水煎服。

■腸癰

腸癰、裏急、隱痛。

蒲公英 槐葉 刀豆根 土荆芥 忍冬各三錢  
右水煎服。

【又方】 山海螺根

右搗汁一小盃，加黃酒適量，沖入服之。  
腸癰下血。

紅藤 紫花地丁各三錢

■下血



下血不止。

龍芽草六錢

紅棗七個

右水煎服。

■脹滿

鼓脹。初起夾食。

石見穿 土藿香

金寄奴各三錢

薏苡根一兩

生薑皮一錢

右水煎服。

水臌。

槐葉五錢

蒔蘿子一錢

右水煎服。

脹滿。小便不利。

薏苡根 地栗根各五錢 地枯蕒 韭根各三錢 生薑皮一撮

右水煎服。

水氣。心腹鼓脹。

車前草一兩 金雀根四錢 蒜梗一尺 摘梅條二兩

右水煎服。

脹滿水腫。

篇蓄 馬鞭草各三錢 石韋五錢 摘梅條二兩

右水煎服。

【又方】 虎掌草 玉昆鮑 等分

右搗爛。罨臍上。日換一次。

【又方】 薏苡根二兩

右水煎服。

【又方】 蒜頭一個

右搗爛。罨臍上。俟起水泡。揭去。泡用銀針挑破。  
腹脹氣喘。坐臥不得。

玉餛飩三錢 葫蘆殼一兩 黑牽牛(拌)一錢

右水煎服。

蠱脹

天青地白草根一兩五錢

右水煎。沖入黃酒一盃。溫服。

小兒腫脹。一名白膨疽

摘梅條二兩

右水煎服。

小兒皮膚蒼白。腹部膨大如鼓。

車前根 雪蒲墩 山芥菜根 瓜子草 金剪刀 等分  
右搗爛。臚上罨之。

■ 疝痛

疝氣。心腹脹痛。引腰連背。不可俛仰。

一枝黃芩 韭根各四錢 紅木香三錢

右水煎服。

【又方】 鷄鴨脚艾四錢

右水煎服。

疝氣。臍腹冷痛。

土牛膝 葶草各四錢 蒔蘿子一錢 生薑一片

右水煎服。

中氣虛弱。疝氣引痛。

蒔蘿子一錢 土人參三錢 蒜梗一尺

右水煎服。

■便秘

大便不通

黑牽牛一錢 鼠李根一錢五分 生蜜一兩

右黑牽牛、鼠李根、水煎取汁沖蜜溫服。

【又方】 槐葉五錢 生蜜一兩

右槐葉水煎取汁。生蜜沖入服之。

■下利

下利初起。

野薔薇根八錢

右水煎服之。

下泄未暢。腹痛。

黑牽牛一錢

鼠李(根或子)二錢

桑椹三錢

右水煎服。

冷瀉腸滑。下泄頻併。

罌粟殼

石榴皮各一錢五分

龍芽草

刀豆殼各三錢

煨薑一片

右水煎服。

老人氣虛。滑泄下利。

野朮 白蘼豆花各一錢五分

薺菜花三錢

檉樹皮

摘摘莓根各五錢

罌

粟殼二錢

右水煎服。

久利不愈。

紅木香

土青木香

石榴皮各一錢五分

檨皮

摘摘莓根各五錢

右水煎服。

【方】

白石榴花五朵

右水煎服。

【又方】

茄根五錢

石榴皮一錢五分

右水煎服。

下利不止。便帶膿血。

狼把草

龍芽草各三錢

木槿皮四錢

右水煎服。

【又方】

蓮蓬殼二個

紅糖五錢

草藥新纂 下編 草藥處方 消化病

右水煎取汁。紅糖沖入。俟溶化服之。

腸風下血。

木槿皮一兩 陳黃酒一盃

右水煎取汁。黃酒沖入。溫服。

下血

龍芽草六錢 紅棗七枚

右水煎服。

【又方】 紅藤 龍芽草各三錢

右水煎服。

【又方】 夏枯草六錢

右水煎服。

■ 蟲病



腹中如疝痛。胃痛。時有惡心嘔吐者。此寸白蟲病也。

羊齒五錢

黑牽牛(杵)一錢五分

花椒十四粒

生蜜一兩

右水煎取汁。生蜜後入。溫服。

腹中蟲痛。時發時止。面白唇赤。耳鳴。瞳孔散大。

石榴根皮

羊齒各五錢

生蜜一兩

右水煎取汁。生蜜沖入。服之。

蛔蟲爲病。胸腹發痛。

揀根皮

羊齒各四錢

黑牽牛一錢

生蜜一兩

右水煎取汁。生蜜沖入。服之。

諸蟲動作。胸腹作痛。口吐涎沫。

羊齒五錢

杜蘅八分

遍地香三錢

黑牽牛(杵)一錢

右水煎服。

## 全身病

### ■風濕骨痛

風濕。風痺。歷節風。筋痛。肉痛。關節痛。酒風等。肢節不能屈伸者。

土荆芥 艾梗各三錢 薇根 柳枝皮各八錢 桑梗一尺

右水煎服。

【又方】 金櫻根五錢 倒掛金鐘根三錢 黃酒一盃

右水煎。黃酒沖入。溫服。

風濕交攻。四肢無力。關節疼痛。

金雀根 紅藤 茜草根各三錢 土地骨皮四錢 柳枝皮八錢 鬧羊花子

六分 黃酒一盃

右水煎。酒沖。溫服。服後避風。

【又方】松節一個 土荆芥四錢

右水煎服。

筋痺。肢節束痛。

柳枝皮八錢

倒掛金鐘根

伸筋草各四錢

土荆芥三錢 桑枝一尺

右水煎服。

【又方】

野葡萄根四兩

燒酒十六兩

右浸七日。去滓。一日數回。每回飲一小盃。

風濕痺痛。及跌打損傷。

鬧羊花根五錢

野葡萄根

金櫻子根

山欖根

金雀花根

黃精各二兩

倒掛金鐘根一兩

燒酒四十兩

右浸十日。去滓。一日數回。每回飲五錢。至一兩。

風濕。四肢浮腫。肌肉麻痺。手足無力。

摘梅條 車前根 各一兩 柳枝皮 八錢 金雀根 土地骨皮 各四錢

右水煎服。

風痺跌撲。

半嬌紅一兩

右水煎服。

### ■黃疸

黃疸。寒熱往來。頭眩肢重。心胸不安。

蕨根 八錢 土地骨皮 茅根 各四錢 葶薺根 一兩 香椽皮 一錢五分 黑牽

牛〔杵〕一錢

右水煎服。

黃疸。面目身體。俱呈黃色。小便短赤。

土地骨皮 牛筋草 馬鞭草 地枯萋各三錢 艾梗一尺

右水煎服。

【又方】野靛青五錢

右水煎服。

血虛體弱。發爲黃病。

虞美人根。

右搗汁一盃。空心頓溫服。須臾卽行二三次。其疾立已。不瘥。隔七日再一劑。脫力黃勞。

牛筋草二兩 烏骨雞一隻

右以牛筋草納雞腹中。煑熟。去草食雞。

婦女黃腫。經水不調。

地蘇木三錢 土地骨皮 平地木 紅藤各四錢

右水煎服。

### 神經系病

#### ■中風

中風。痰涎壅塞。不省人事。

石菖根 杜蘅各一錢五分 柳枝皮八錢 浮萍三錢 桑芽一撮

右水煎服。

賊風口噤。語言不利。筋肉手足搖擗。

土荊芥 浮萍各三錢 石菖根一錢五分

右水煎服。

中風。痰壅語塞。牙關緊急。有火有痰。面赤身熱。

石菖根 杜蘅 小草根各一錢五分 土牛膝根 野菊根 土荊芥各三錢

右水煎服。

【又方】 杜蘅 牙皂 等分

右研末。以少許嚙入鼻孔。

半身不遂。手足不能屈伸。腰膝疼痛。

柳枝皮六錢

土荆芥 金雀根

土地骨皮各三錢

金背茶匙二錢

右水煎服。

【又方】 芝麻殼五錢

右水酒各半煎服。

中風。因梅毒而發者。

菘蕪 仙遺糧各一兩五錢

忍冬

土地骨皮

土荆芥各三錢

右水煎服。

氣分不和。風寒邪濕之病。著於手足。麻痺或痛。或神思不清。

土青木香 石菖根各一錢五分 金雀根 野菊莖葉各三錢 桑枝 柳枝各

一尺

右水煎服。

神經患風。言語蹇澁。舌強不轉。涎唾溢盛。六脈閉滯。暴不可言。

石見穿三錢 石菖根 杜蘅各一錢五分 檉柳花（無花用葉、無葉用枝、但

不及花）一兩 生薑一片 竹茹一團

右水煎服。

■癩癩

驚狂失志。多言善笑。

土牛膝 淡竹葉根各六錢 鼠李根三錢 石菖根 小草根各一錢五分

右水煎服。



癲狂驚悸。神志失常。

小草根二錢 兔絲二兩

右水煎服。

■ 頭痛

頭風頭痛。

土荆茶 野菊莖葉各三錢 杜蘅 紅茶各一錢

右水煎服。

【又方】 刀豆根五錢至一兩 紅茶一錢

右水煎服。

風熱上攻。頭痛又止。

土荆茶 刀豆根各三錢 杜蘅一錢

右水煎服。

肝厥頭痛。

刀頭根

土牛膝

野菊葉

土荆芥各三錢

土地骨皮四錢

土青木香一

錢

右水煎服。

■中暑

冒暑。伏熱腹痛。

香草腦七個

樟根

杜蘅

土青木香各一錢

土藿香三錢

右水煎服。

■神經衰弱

身體虛弱。精神恍惚。虛煩少睡。

平地木 土地骨皮 虎刺各三錢 金背茶匙一錢五分 小草根二錢

右水煎服。

虛弱神衰。或久嗽。

費菜 (嫩腦) 九至十四個 嫩母雞一隻

右以費菜納母雞腹中。煮熟食雞。

【又方】 黃精一兩

右水煎服。連服一月。

思慮過制。勞傷心神。健忘怔忡。

小草根 石菖根各一錢五分 階前草根 土地骨皮各三錢 金背茶匙 南

燭子各二錢

右水煎服。

■眩暈

風邪乘腦。頭目眩暈。

土荆芥 遍地香 野菊莖葉各三錢 杜蘅一錢 紅茶一撮

右水煎服。

血虛頭暈。

土地骨皮 刀豆根 平地木各三錢 紅棗五枚 紅茶一撮

右水煎服。

■呃逆

呃逆不止。

蘭蓀三枚 地枯萋五錢

右水煎服。

## 循環器病

### ■真心痛

厥心氣痛。不可忍。

香草腦七個 大蒜頭一個 土青木香 紅木香各二錢 苦橘皮一錢五分 生

薑一片

右水煎服。

心痛徹背背痛徹心。

杜蘅 石菖根 土青木香各一錢五分 艾梗一尺

右水煎服。

## 排尿器病

遺尿

小便失禁。

小草根一錢五分 菟絲一兩 胡桃肉三枚

右水煎服。

【又方】野薔薇根六錢 土人參四錢

右水煎服。

白濁

白濁。小便點滴。或痛。

菡蓄五錢 萱草根二兩

右水煎服。

膀胱熱病。小便如膠濁者。

一枝黃花五錢 遍地香四錢 車前根 薏苡根 萱草根各一兩

右水煎服。

【又方】 車前草 葶薺根 薏苡根 菝葜各一兩 金雀花根 遍地香各三

錢

右水煎服。

■ 小便不通

小便赤色。或癃閉不通。

菝葜 石韋 遍地香各四錢 榆皮 車前根各一兩

右水煎服。

【又方】 玉蜀黍根二兩

右水煎服。

【又方】 榆皮 水燈心各一兩

右水煎服。

小便癰閉、或痛。

土牛膝根 一枝 黃花各五錢 葶薺根一兩 摘梅條二兩 蒜梗一尺

右水煎服。

小便不利。

車前草 薏苡根 脚麥各一兩至二兩

右水煎服。

遺精

遺精盜汗。五心煩熱。

土地骨皮四錢 南燭子三錢 黃精 金櫻子根 菟絲各八錢



右水煎服。

夢遺失精。小腹弦急。頭重目眩。脈虛芤。

平地木

虎刺各三錢

土地骨皮五錢

韭根六錢

兔絲一兩

黑棗七枚

右水煎服。

■陰痿

元陽虛痿。性交不能。

淫羊藿

土地骨皮各四錢

韭根六錢

菟絲一兩

胡桃

黑棗各七枚

右水煎服。

【又方】

土人參

石南葉各五錢

右水煎服。

下虛腎衰。目眩耳鳴。面黑羸瘦。

平地木 淫羊藿 遍地香 南燭子各三錢 黃精一兩 胡桃五枚

右水煎服。

陽虛腎弱。腰膝無力。

南燭子 石南葉 桑椹各三錢 菟絲八錢 小草一錢五分 土地骨皮四錢

右水煎服。

### 五官器病

#### ■眼病

目赤驟發。怕日羞明。迎風流淚。

土荆芥 千里光 野菊各三錢

右水煎服。

【又方】 千里光五錢

右煎湯薰洗。

【又方】 狗尾草（鮮用）二兩

右水煎服。

【又方】 青箱花 土荆芥各三錢

右水煎服。

【又方】 金豆子五錢

右水煎服。

風火眼痛。

桑葉 野菊 忍冬 等分

右水煎薰洗。

兩額角痛。目赤睛疼。時見黑花。漸生翳膜。

土荆芥 淡竹葉 蘇枋木 野菊各三錢 蕨根一兩

右水煎服。

目內障星。

韭根

右搗爛。貼脈上。男左女右。俟起水泡。用銀針挑破。流出粘液。頗效。  
肝腎俱虛。眼目昏暗。或生障翳。

車前

菟絲各四錢

青箱花

南燭子

土地骨皮

各三錢

右水煎服。

目生蠟睛。

蛇莓

右揉爛。塞入鼻孔。

目生努肉。

野葶薺

右搗取汁點之。

花柳毒炎移害於目。

仙遺糧

蕤蕝各一兩五錢

忍冬

野菊各四錢

淡竹葉

土荆芥各三錢

右水煎服。

爛眼沿。

車前 土枸杞葉

石菖葉

忍冬

野菊

等分

右水煎洗。

■ 耳病

傷風耳聾。

杜蘅 石菖根各一錢五分

土荆芥

桑芽

野菊莖葉各三錢

葱一枝

右水煎服。

耳下腺炎。俗稱疔腮。

黃荊條二兩

右水煎服。

耳腫作痛。

土荊芥

忍冬

淡竹葉各三錢

蕨根

黃荊條各一兩

石菖根一錢五分

右水煎服。

濕熱上衝。耳鳴或聾。

車前根 薏苡根各八錢

土牛膝五錢

黑牽牛一錢

石菖根一錢五分

右水煎服。

腎虛陰虧。耳鳴耳聾。

土地骨皮 平地木

茅根各三錢

黃精

菟絲各八錢

右水煎服。

■面病

面黝斑痣。

野苧薺

右搗汁塗布。

皮膚病

■疥癬

諸風疥癬癩瘡。

浮萍 土荆芥

忍冬各三錢

苦參一錢五分

薏苡根

蒼耳草各八錢

右水煎服。

【又方】羊蹄根

右搗塗之。

【又方】 椶木葉

右水煎洗之。

【又方】 烙鐵草一兩 大楓子油五錢 水銀一錢 硫黃三錢

右以豬油同搗敷之。

風濕浸淫。皮膚惡瘡。

仙遺糧 菝葜各一兩 薏苡根 忍冬 龍鬚草各五錢

右水煎服。

疥癬。

白粉花（即紫茉莉一名夜嬌嬌）

右採葉揉潰塗布。

【又方】 苦參三錢 棟根皮 綠葉樹根皮 烙鐵草各五錢 硫黃三錢 花

椒一錢五分



右研末。以生豬油同搗如泥。塗、或擦之。

■ 痲疹

風毒濕疹。

苦參 馬藺根 忍冬 野菊各三錢

右水煎洗。

痲子成瘡。

土荆芥 黃荊葉 等分

右水煎洗。

■ 髮癬

頭髮禿落。

石巖薑

右水煎洗。或酒浸塗之。

### 婦人科病

#### ■月經病

婦人月經不調。或前或後。或瘀閉不通。

地蘇木 馬鞭草 土青木香 籐各三錢

右水煎服。

【又方】 倒掛金鐘花三錢

右水煎服。

【又方】 牡荊八錢 地蘇木三錢

右水煎服。

月經不通。

虎杖 馬鞭草 過山龍 紅藤 蘇枋木各三錢

右水煎服。

婦人血海虛寒。月經不調。

過山龍 蘇枋木 馬鞭草各三錢 石菖花 乾薑各一錢

右水煎服。

婦人經水不調。因鬱成癆。潮熱。欬嗽。盜汗。

土地骨皮 淡竹葉根 階前草根各四錢 地蘇木三錢 金背茶匙二錢

右水煎服。

婦人月經過多。

櫻櫚根皮 黃荊根 臭椿皮 蓮蓬殼各三錢

右水煎服。

【又方】 紅藤六錢 紅糖一兩

右水煎。紅糖後入。溫服。

月經過多。或赤白帶下。

冬青根皮 紅糖各一兩

右水煎。紅糖後入。溫服。

行經腹痛。

馬鞭草 土荊芥各三錢

石菖根

香椽皮各一錢五分

生薑一片

右水煎服。

■ 血崩

婦人崩中下血。

木槿皮 臭椿皮 金櫻根各四錢 白雞冠花三錢

右水煎服。

■白帶

婦女赤白帶下。

木槿皮 芙蓉皮 臭椿皮 柳根皮 檉根皮 金櫻根各五錢

右水煎服。

【又方】 野薔薇子八錢

右水煎服。

【又方】 翻白草五錢

右水煎服。

婦人陰道積熱。下白、或黃色粘液。如淋如帶。

白槿花 白雞冠各三錢 白果七枚

右水煎服。

婦人憂思沈鬱。致生內熱。陰中火炙作痛。亦如淋瀝。

淡竹葉根

土地骨皮

柳枝皮

土荊芥各四錢

薏苡根一兩

右水煎服。

### 胎前產後

胎氣不安。

土荊芥三錢

右水煎服。

妊娠腹大。胎有水氣。

野朮一錢五分

土荊芥二錢

右水煎服。

婦人漏下。或妊娠下血。或半產後下血。

木槿皮 櫻欄皮各三錢 蓮蓬殼二個

右水煎服。

臨產催生。

牛膝根 車前根各四錢 地蘇木二錢

右水煎服。

難產。

棉花根五錢

右水煎服。

子死腹中。

大薊根 地蘇木 遍地香各三錢 黃酒一盃

右水煎取汁。黃酒沖入。溫服。

產後惡露不下。血瘀作痛。

地蘇木 刀豆殼 山查根各三錢 石菖花一錢五分 生薑(煨)一片 黃酒

一盃

右水煎取汁。黃酒沖。溫服。

產後血暈。

杜蘅 牙皂 等分

右研末。嚙入鼻孔。

產後、五心煩熱。氣力欲絕。惡露不止。

土荆芥 地蘇木(炒成炭)各三錢

右水煎服。

產後、惡露不盡。兒枕作痛。

土荆芥 刀豆殼各三錢 蒔蘿子 石菖花各一錢五分



右水煎服。

產後小便淋漓不禁。

平地木

南燭子

野薔薇子

土人參各三錢

右水煎服。

產後中風口噤。牙關緊急。

土荆芥三錢

土牛膝根四錢

石菖根一錢五分

右水煎服。

### ■乳閉

乳閉不通。

繁縷一兩

右水煎服。

【又方】 階前草根 水燈心各四錢 杜蘅花一錢五分

右水煎服。

■乳裂

乳頭開裂。

蓮蓬殼(煨)一錢 冰片五釐

右研末敷之。

■乳吹

乳吹、乳汁不通。紅腫熱痛。

蒲公英 土荆芥 忍冬各四錢 繁縷八錢

右水煎服。

〔又方〕 貓兒刺嫩葉（焙）

右研末。黃酒送服一錢五分。

■乳癰

乳癰初起。紅腫痠痛。寒熱往來。

蒲公英 忍冬 土荆芥各四錢

土地骨皮五錢

右水煎服。

■癥瘕

癥瘕積聚。痞滿。黃腫膨脹。

地蘇木 石見穿各三錢

蘇根

黃荆根各八錢

薏苡根一兩 生薑皮一撮

右水煎服。

## 小兒科病

### ■驚癇

小兒急驚風。

遍地香二錢

右水煎服。

【又方】芥子末

右麵粉調敷足心。

小兒急驚。風痰壅滿。不能言語。

戟菜一錢五分

遍地香

鴨跖草

土荆芥各二錢

右水煎服。

小兒慢驚面青四肢逆冷下泄

野朮 刀豆根各一錢五分 蒜梗 三寸 生薑(煨)一片

右水煎服。

小兒夜啼夜驚。

小草根 石菖根 遍地香各一錢五分 土荆芥二錢 水燈心一錢

右水煎服。

■ 胎毒

小兒胎毒。

仙遺糧 忍冬腦各三錢 土荆芥二錢 芭蕉根六錢

右水煎服。

小兒口臭流涎瘡毒。

柞枝一尺至二尺

右水煎服。

■ 疳疾

小兒肝經虛熱。發搖咬牙。或驚悸。或嘔惡流涎。腹脹少食。睡眠不安。

土荊芥 土地骨皮 階前草根 淡竹葉根各三錢 柞枝一尺 小草根一錢

右水煎服。

小兒疳積蟲病。

苦楝根二錢 薏苡根五錢 黑牽牛一錢 石榴根皮二錢五分 蜂蜜六錢

右水煎取汁生蜜沖入服之。

小兒五疳

蕺菜一錢五分 土牛膝根 石見穿 楝根皮各三錢 車前根四錢

右水煎服。

## 外科諸病

### ■癰疽

天行時毒。初起。憎寒發熱。發於頭面耳項等處。

土荆芥三錢

忍冬

野菊

蒼耳草各四錢

蕨根八錢

右水煎服。

### 【又方】 蒼耳草

右鮮搗如泥罨之。

癰腫惡毒。

蕨根一兩

土荆芥

忍冬各四錢

右水煎服。

### 【又方】 元寶草一兩

右水煎服。

【又方】 山海螺根

右搗汁一小盞。黃酒沖服。

【又方】 黃荊條二兩

右水煎服。

【又方】 紫萼根(玉簪花根)

右搗敷。

【又方】 瑞香皮

右搗敷。

發背及一切癰腫初起。

白茄蒂十四個至二十一個

右水酒各半煎服。



一切癰疽。不問虛實。善惡。腫潰。大痛。或不痛。

蒲公英 忍冬各四錢 柳枝皮 蓼莪 剪刀草各八錢 土荆芥三錢

右水煎服。

【又方】 白茄蒂七個 何首皮一兩

右酒水各半煎服。

【又方】 芙蓉葉（或皮）澱粉等分

右研細。以黃酒、或米醋。入蜜少許。調塗。

【又方】 鴨跖草葉

右搗敷。

【又方】 天青地白草

右搗取滑涎。塗布。

【又方】 水仙根

右搗敷。

癰疽已潰。

景天葉

右火焙。剝去皮。貼之。能吸出膿汁。

【又方】 五爪龍

右揉潰。貼患處。

對口初起。

老鴉蒜根

右搗爛。隔紙貼之。

蛇毒癰腫。

白屈菜

右搗取汁。塗之。

【又方】 酸斑莧

右搗汁塗布。

陰囊腫痛。

馬鞭草 鼠尾草各一兩

右水煎服。

■ 疔瘡

疔瘡。生於頭面、或四肢。

野菊 忍冬 土荆芥 半支蓮各三錢 蒲公英四錢

右水煎服。

【又方】 蒼耳子五錢

右水煎服。又鮮葉搗爛塗之。

【又方】 蛇莓

右搗敷。

【又方】 金豆子葉

右加醋搗爛敷之。

疔腫癰疽。

獨腳蓮根

右以醋或酒磨塗。

疔瘡未潰或已潰。

半支蓮

右加鹽少許。搗爛罨之。

螺疔

虎掌草葉

右加鹽搗爛敷之。

■ 瘰癧

瘰癧。初起或日久。未潰或已潰者。

土荆芥 淡竹葉根各三錢 土地骨皮 忍冬 蒲公英 夏枯草各四錢

金線草二錢

右水煎服。

【又方】 蒲包草 芭蕉根各二兩

右水煎服。

【又方】 松蘿三錢 山海螺根（搗取汁）一小盃

右以松蘿水煎取汁。沖入山海螺汁服之。

瘰癧初起。未潰者。

夏枯草 紫地丁 芙蓉皮各一兩

右搗取汁塗之。

【又方】龍鬚草二兩

右水煎服。

■痔瘡

痔瘡。因於大腸濕熱而發。

槐根皮 柳枝皮 忍冬各四錢 土荆芥三錢 生蜜八錢

右水煎取汁。生蜜沖入服之。

痔瘡腫痛。或流膿血。

無花果葉

右煎汁薰洗。

痔疾泄利。或便毒。

臭椿皮 櫻欄根皮 野葡萄根 馬齒莧 槐根皮各四錢 白雞冠花三錢

右水煎服。亦可外洗。

痔瘡。肛門痛癢。

苦棟根 木槿皮各三錢

右水煎洗。

【又方】 老鴉蒜 鬼蓮蓬 等分

右酒煎。置瓶內。先薰後洗。一日三次。

■切傷或咬傷刺傷及跌撲火泡凍傷諸症

外皮出血。

地蜈蚣

右揉潰。敷患處。

【又方】 刀傷草

右搓熟。貼之。

【又方】 鬼蠟燭

右採取其子之毛絨敷之。

金瘡出血未斂。

金寄奴葉

右搗爛敷之。

金瘡出血疼痛。

活血草

右搗汁一小盃。酒冲服。

毒蟲刺傷。



三七草

右搗取汁塗之。

【又方】 金豆子葉

右搗爛敷之。

蛇毒咬傷。

九頭青葉

右搓爛貼之。

湯火泡傷。

秋葵花 芙蓉花

右研末。以麻油調搽。又以花浸麻油久貯。臨時以油塗之。

跌打損傷。

接骨木 山苧麻 三七根各二錢 地蘇木一錢五分 土連翹五分

右水煎服。或冲入黃酒一盃服之。

【又方】 僧鞋菊根

右乾用。以薑汁炒。研末。每服三分。黃酒下。服後忌風。

【又方】 田雞草

右搗爛貼之。

跌打疼痛。

接骨仙桃草二錢

茉莉根一寸

倒掛金鐘根一錢五分

土荆芥三錢

右水酒各半煎服。

【又方】 土連翹

右研末。每服五分。黃酒送下。

【又方】 地蘇木

接骨仙桃 臭梧桐花各三錢

八角金盤根一錢五分

右水酒各半煎服。

【又方】三七根 山苧麻皮各二錢 黃酒一盃

右水煎取汁。沖入黃酒。溫服。

【又方】茉莉根

右酒磨寸許。服之。

【又方】三七根 土連翹末 小麥粉各三錢 米醋 適宜

右搗爛。加熱。罨患處。

### ■ 凍傷

凍瘡初起。

大蒜梗三尺

右水煎洗之。